

थारु जातिन्क बर्का तिह्वार माघे
सक्रान्तीक उपलक्ष्यम थारु भाषा सा-
हित्य प्रति रुची धर्ना व प्रगतीक लाग
हरदम प्रयासरत सक्कु गोचलीन हार्दिक
मंगलमय शुभकामना व्यक्त करती ।

गोचाली परिवार



थारुनक लाग असली खुराक

गोचाली

२०५४

थारु भाषक, जेष्ठ पलिका

थारुनक बर्का तिहवार माघ
सक्रान्तोक सुखद उपलक्ष्यमा हमार
सक्कु ग्राहक महानुभाव हुक्नक
उतोर-उत्तोर प्रगतिक लोग हार्दिक
शुभमामनो व्यक्त करती ।

हिकोला कलर ल्याब

धम्बोझी, नेपालगञ्ज

फोन नं. २०१७१, २१३७४

यहो बर सुग्घरक रंगीन फोटो धुलाई छपाई
के साथ-साथ फोटोग्राफी सम्बन्धी सक्कु मेरक सुविधा
देजाइत, । सेवा कर्ना मौका अवश्य दिहक परल ।

(❖)

गोचाली

वर्ष २६

अंक ११

२०५४

व्यवस्थापक व प्रकाशक

थारु भाषा तथा साहित्य उत्थान मन्च (नेपाल)
गोचाली परिवार २०२८

सहयोग रु. २०/-

थारुनक बरक तिहवार माघ संक्रान्तीक सुखद
उपलक्ष्यमा हमार सक्कु ग्राहक महानुभाव हुकनक
उत्तर-उत्तर प्रगतीक लाग हार्दिक शुभ कामना
व्यक्त करती ।

प्रो. टिकाराम चौधरी

ज्योती फोटो स्टूडियो

बाँसगढी, बर्दिया

यहां रंगिन तथा सादा फोटो खिचाई धुलाई कै जाइथ

यहां हर प्रकारक सुन चाँदीक गहना उचित
मुल्यम मित्य सम्झ खुइ 'नेपाल ज्वेलर्स' सदरलाइन
नेपालगंज वार्ड नं. ४।



नं. १ सुन व चाँदीक ग्यारेण्टी समेत सुन्दर
व आकर्षक गहना निर्माता एवम् विक्रेता ।

फोन नं. - २१६११



थारु भाषा तथा साहित्य उत्थान मन्च (नेपाल) गोचाली परिवार २०२८ केन्द्रिय समिति

- अध्यक्ष :- श्री महेश चौधरी, दाङ्ग
उपाध्यक्ष :- श्री सगुन लाल चौधरी, बर्दिया
महासचिव :- श्री जगु प्रसाद चौधरी, बर्दिया
सचिव :- श्री कृष्ण कुमार चौधरी बर्दिया
कोषाध्यक्ष :- श्री जितबहादुर चौधरी, बाँके
सदस्य :- श्री भगवती प्रसाद चौधरी दाङ्ग देउखरी
सदस्य :- श्री मगल प्रसाद, चौधरी दाङ्ग
सदस्य :- श्री मान बहादुर चौधरी, सुर्खेत
सदस्य :- श्री कृष्ण बहादुर चौधरी, सुर्खेत
सदस्य :- श्री भिम बहादुर चौधरी, बर्दिया
सदस्य :- श्री रूपलाल चौधरी, बर्दिया

सल्लाहकार समिति

१. श्री अशोक चौधरी, दाङ्ग (किसान नेता व बुद्धिजीवी)
२. श्री कैया चौधरी, कैलाली (राष्ट्रिय सभा सदस्य)
३. श्री टिकाराम चौधरी, बर्दिया (समाजसेवी)
४. श्री कृष्ण बहादुर चौधरी, बर्दिया (पूर्व अध्यक्ष गोचाली परिवार)
५. श्रीमती जगमोहनी चौधरी, बर्दिया (अध्यक्ष बेस महिला जागरण केन्द्रिय समिति)
६. श्रीमती शान्ती देवी चौधरी, दाङ्ग (अध्यक्ष, ग्रामीण महिला विकास संस्था)
७. डा० द्रोण प्रसाद रजौरिया, दाङ्ग [थारु विज्ञ]


सम्पादकीय

चुक अंराइल जसिन थंधारमन सलई डिब्बी छम्ती, दिया हर्लैति अजरार फुकक् लाग नेगती, सलबलइती धिर धिर सक्कु जहन जगती गोचाली भिरती समयक प्रवाह संग आग बहती बा लक्ष्य वउद्देश्य प्राप्त करक लाग। मुर्गा ब्वालल, ध्यार मुर्गा बोल्ती जाईत। आंकुर जगती बाट तर भकोइल वाट दिया धिर - धिर फुकती जाईत काकरकी सक्कु जन अजरार हुइपर्या कना महसुस कर्ति बाट यस्तक विहान हुइना संकेत मुर्गी देती बात सक्कु जन जाग चुकल बाट आपन आपन काम कर्त-व्य मन दँत चुकल बाट। सुयंक लाली किरण विहानीके सुन्दर मुस्कान देहक लाग रातसे संघर्ष कर्ती बा सायद टेलबा, टेन्नी, जोगनी, टेस, थारू मुक्ति, मुक्तिक डगर, कविला बिहान हमार पहरा, थारू संस्कृती नेवता जसिन आकुर गोचालीनक सहयोग महशुस कर्ती बाट। हम्म बलगर बन्ती जाई गोचली ध्यार बनती जाई सुयंक लाली किरण रातभरिक संघर्ष मन जिलक सुमधुर मुस्कान लेक सक्कुन से गोचाली भिर अवश्य फे अइने बा।

गोचाली हुक, गोचाली आपन ध्यारनक कठिनाई व समस्या क कारण से ०५२ व ०५३ सालम प्रकाशन हुई नै स्याकल याकर लाग हम्म एकदमै दुखित बाटी अपन हुकन क हर मेरक सहयोग मिलनी रलसे गोचाली हन निरन्तर रूपमन जिवित राख सेकजाई कना विश्वास करती यि अङ्क प्रकाशन करवेर सहयोग कर्ता तमाम गोचालीन प्रति हम्म आभारी बाटी।

जय गोचाली परिवार !

जिल्ला सदर्थ समिति



सम्पादक परिवार

प्रधान सम्पादक :- श्री सगुन लाल चौधरी
सम्पादक : श्री जगु प्रसाद चौधरी
" :- श्री जित बहान्दुर चौधरी
" :- श्री कृष्ण कुमार चौधरी
विशेष सहयोगी :- शिव कुमार चौधरी

विषय सूची

- १- गोचालीक आह्वान (कविता) -सगुनलाल चौधरी
 २- अभागी पहुना (बत्कोही) -जित बहादुर चौधरी
 ३- उ असिक बाँचता (कविता) -अशोक चौधरी
 ४- जब जनजातिनक दोहलो काह जाइत(लेख) -महेश चौधरी
 ५- युवक हुकन सन्देश (गित) -कविराम थारु
 ६- आत्म सम्मान (लेख) -कृष्ण कुमार चौधरी
 ७- गोचालीन म्वार आह्वान (कविता) -शुशिल चौधरी
 ८- उ फेर आइतीं बा (बत्कोही) -विष्णु प्रसाद चौधरी
 ९- हमार दशा (कविता) -लक्ष्मण चौधरी
 १०- गोचालीह यि सन्देश (कविता) -राम लौटन चौधरी
 ११- किसानके व्यथा (कविता) -भगवती चौधरी
 १२- थारु जाति हुकन हेनी एक दृष्टिकोण(लेख) -भगवती प्रसाद चौधरी
 १३- ग्वाबर के काह्नी ? (गित) -मंजुल प्रसाद चौधरी
 १४- पापी मने के हो ? कथा -राम कुमार चौधरी
 १५- नै थाहा पइल हुइवी कलसे -सं. सागर चौधरी
 १६- एकता के अह्वान -गरिबु चौधरी
 १७- मनक वेदना नुकल बा -जीत व० भगो-या थारु
 १८- धुमरु -जगत राम थारु
 १९- 'रूपक' प्रेम प्रतिज्ञा -जग्गु प्रसाद चौधरी

“ गोचालिक आह्वान ”

ले. सगुनलाल चौधरी
सेमरहवा, बर्दिया

संगठन ! संगठन !! मुख्य शक्ति संगठन !!!

थारु भाषी मित्रहो बनाई एक संगठन ।

थारु राजा दंगीकरण बुद्धके सन्तान

दंगी राजा “दंग” तका पुरान ही निसान

भिद्री, तराइ, भावर भूमि यीह हमार स्थान

मातृ भाषक करी उत्थान यी हो हमार आह्वान (१)

संगठन ————— ।

थारु ————— ।

थारु भाषा संस्कृतिक बाटी हम्म धनी,

मातृ भाषा रति-रति नकल कनी बानी,

पढल लिखल विद्वान हुँकु समाजके ज्ञानी

आपन लडकन पट्ट वनाके रटैथ डेडी मम्मी (२)

संगठन ————— ।

थारु ————— ।

विश्वरूपी घरक नेपाल छोटी कोष्ठी

समाजरूपी लेहराम थारु हमार पण्ठी

पिछरल जाती जनजातीम थारु फेत पर्थी

थारु भाषा पुरुष पच्छिउँ रेडियोम सुन्थी

संगठन ————— ।

थारु ————— ।

भाषा प्रेमी साहित्यकार व समाज सेवी गोची
भाषिक एकता लत्रा काम सकु जन [सोची

अध्ययन, मनन, चिन्तन कैक समाजह जांची,
लिखना, छपना, बँटना करी साहित्य हमार वांची। (५)

संगठन ।
थारू ।

२०२८ सालम “गोंचाली” छपल जेठो नाउँ परल
थारू भाषक खोजी कर्ल डा० गणेश खराल
मेची से महाकाली सम्म डा० ध्रमण कर्ल
थारू जातीक भाषा लिपि ध्यार जम्मा कर्ल। (५)

संगठन ।
थारू ।

मातृ भूमि नेपालक हमार थारू भाषा
युवा हुँक उच्चान करही यी हमार आशा
साहित्य रुपी एनाके पोछ-पाँछ करी शिशा
असिन झल-झल पारी जैस छैला छैलिक वत्तीसा। (६)
संगठन ! संगठन !! मुख्य शक्ति संगठन !!!
थारू भाषी मित्रहो बनाई एक संगठन।

अभागी पहुना

ले. जीत बहादुर चौधरी
बैजापुर गा.वि.स. ३ कुम्भर (बाँके)

एक देशम एकथो बुढवा व बुढियक परिवार रलह बुढक
स्वभाव सदद सदद पहुना घर अइलसे वडे मज्जा लगना व हुकनसे
सुख दुःख बात बतोइना रलहिस कलसे बुढियक स्वभाव जुन ठीक
बुढक उल्टा रलहिस। ऊ बुढिया पहुना हुकन एक्को द्याख नै स्याक

बुढिया आपन मन-मन कह यी, पहुना सदद ददद का घिच्च अइथ
पहुना देखक जातसे म्वार जीउ अघा रहल। बुढवा जुन वाकर घरम
कभु-कभु पहुना नै अइलसे ऊ यीहँर उहँर गाउँ घरम पहुना ख्वाज
जा जाय “कब अइघे पहुना कह ब वही पहुना घरम नै अइलसे
वडे ख्वाँर लागस।

एक दिन संझ्या हो स्याकल रह। पहुना कहौरे से नै अइलस
आब उ बुढवा डगरी ओर कहौरे से पहुना आइत कि नाही कैक ह्यार
जाइत रह। ठीकइसे विलरेक भागमे सिकहर टुट कना जसिन एकथो
मनैया आपन घर कबब पुगम् कैके खुब जोरसे तन्याक तुनुक
नेगती जाइत रह। उ बुढवा डगरीय नेगइया मनैया बोलाइल “ए!
हजुर कहां जइती उपन? आइना आज हमार घर जाई,
आज हमार घर अजरार बना देवी त वा हुइजे, सांझ
फेहो स्याकल बा। कता दुर घर बाट रात हो जाई। आज
स्याका जीत जाई। आब हमार घर गक-सक कर्गी। खाना पीना खैबी,
रात भर रहबी काल बिहान आपन घर चल जैवी।” उ मनैया बुढकघर
ओर प्रस्थान करल। बुढवा व उ जब घर पुगल त
बुढवा आपन बुढिया हन कहल-“पहुना आइल री। बैठना
वैठना देव व खानापीना हेरो। आज रात भर पहुना से बात चीत
वतोइवी। खानपीन खैबी काल बिहान हुइत पठादेवी।”

बुढिया त ठीक बुढक उल्टा रह ऊ पहुनन् द्याख नै सेकना रह
वही भित्त-भित्त इनकक रीस लागत रलहिस। जब बुढवा खानापीना के
नाउँ उठाइल त बुढिया कहल-“चाउर वाउर नै हो का रीझा देना हो।
सदद सदद पहुना लनहिंस”

जब बुढिया चाउर नै हो कहल त बुढवा कहल “चाउर नै हो त
का धान फे नै हो? जा देहरीमसे झिक्क कुट व खीर भात बना। मै जैइतुं
भैसिनियक दूध दुइ।” बुढवा उहँर भैसिनियक दूध दुह गैल त बुढिया
यहँर धान झिक्क टैकी कुट लागल। एक दुइ चो टक-याँड, टक-याँड

पागल व खुइस्स कर व धनी धनी कह - ' यीह मार बुढवा कसिन हुइतस् कसिन छि: । ' यी हमार बुढवा कसिन हुइतस् कसिन छि: । '

पहुना जब बुढिया हन असिक बरबराइल त सुनल त सोच लागल । " बुढवक बात व बुढियक बातके बात का रहस्य बाट जे ? पाहुना बुढिया हन पुछल - " कारर असिन कहतों बुढिया बुढवक विचम का बात हो जे ?

बुढिया कहल - " हमार बुढवक का बात बतइबो ? ईही जुन पहनहन खूब मज्जासे खान पीन खूबसे पियेथ जब रातक सुतथ तब आधारात हुइथत ईह । डेकि क ध-यार-र मुसरालिक पहन मार लाग्य । असिन त बाट हमार बुढवा ।

जब पाहुना हन बुढिया असिन बात सुनाइल त पहुना बुढिया से कहल - " मै त यीहां नै रहम म-बा पाइल से बेन भाग जैन " कहल व मुईकुवा ठाकल । ईहोर बुढवा भैसिनियक दूत्र हुइत अशन त पहुन ईहोर उहोर हयारल पहुननै धाखल त आपन बुढिया पुछल - " पहुना कहाँ गेल री ?

बुढिया कहल - " ओसिन पहुना फे बलैना " बुढवा आपन जग्नी-हन पुछल " ऊ पहुनाका कल जे ? बुढिया जवाफ दिहल यी " डेकि क मुसरा खोलो, मही हेनास् लागल बा, कसिन रहथ डेकि क मुसरा ? मै कनु मै धान कुटतु । धान कुटक सेक लिउँ त हेरहो । आखिर रात भर त रहना वाँ, पहुना कहल - " आब्वेहे हयार देव महीं । नैदेबो कलसे मै ईहां से भाग जैम कहल व भाग गैल । ;,

बुढवा कहल - " हुंकाहार देशमा असिन मुसरा नै हुइहिन तब त हयारक लाग मगल नै त कारर मयत । ऊ बुढवा डेकि क मुसरा उखारक देखाइकलाग दौरती गैल । " ए ! पहुना रहो! रहो! मुसरा हेरो-र ! कैक बडे जोरसे चिल्लाइल । उलितक पहुना पाछ और हयारल त धाखल बुढवा मुसरा लेल दौरत । पहुना स्वांचल कि फुरसे " रातक यी बुढवा मारी कैक बुढिया कहल रह । नाकती कि आब्वेहे मार आगैल ऊ पहुना झन

वेपत्ता पूंछ उँखार भागल । लेकिन यी सब बुढियक जाल रलहिस का-कर कि ऊ पाहुना हन कौन उपाय लगाक भगैना हो कैक स्वांचल रह ।

पहुना जाइत जाइत एकथो बडेभारी बिच बनवम पुगल । बनवम एकथो गोठवा रह ऊ गोठवाम एकथो लौंडा ब वाकर बाबाकेल रलह । लौंडक बाबा बनवम वर्दा खवाज गैल रह ऊ पहुना लौंडहन कहल - " भैया यीहां बैठना बास मिली कि नाहीं? " तब लौंडा कहल " का हुई नै मिनी आज ईहां बैठी कान चल जैवी " आव पहुना गोठवम बैठल । लौंडक बाबा दुरसे आपन छावहन हाँस पारल । " रे बर्का छावा! पहुना आइल कि नाहीं रै? "

तब छावा बोलल-आरहन आरहल त पहुना हन करीसे हरकक बांधस मै जाइतुँ मुँघा लिह । " यी बात जब पहुना सुनल तब पहुना स्वांचल "ओहो! हिं क छावा बाबा त मही पक्का फे मारक लाग बाट " ऊ पहुना वेपत्ता उहाँसे भागल ।

याद रखवी किंक लानल वर्दा हुइलक ओस ऊ वर्दा एकदम भाग भाग आपन घर गैलक ओस वाकर नाउँ पहुना रलहिस । एकथो वर्दा बडे बडे पिह हुइलक ओस वाकर नाउँ मुँघा रलहिस ।

पहुना जाइत जाइत एकथो दोसर गाउम पुगल त एकथो घरम वास मागल । उ घरम एकथो बुढियाकेल रह । पहुना बुढिया कहल - " यीहाँ बास मिलि कि नाहीं? " बुढिया कहल - " यीहाँ गाँस मिलि बास नै मिली । " अवा कहल व एक माना चाउर लानक पहुनक रूमा-लिम खान्ह्या दिहल पहुन उहाँसे पठा दिहल ।

पहुना फेन आपन डगर लागल । जाइत जाइत एकथो दोसर गाउमा पुगल । ऊ एकथो घरमा गैल । उ घरमा फे पहिलक घरक जसिन एकथो बुढवा व बुढिया रहल । ऊ पहुना घरम जाक वास मागल । घरम बुढिया केल रह । बुढवा कहोरे काम कर गैल रह । पहुना

कहल म्वारथे चाउर पलवा । मै कहीं सम बोकल रहम । यीह चाउर रिझा देव बुढिया भात रिझाए लागल । बुढवा काम कैक आइल त आपन जन्नीहन कहल - “ री! बेश्या पानी आनत! वाकर जन्नी पानी दिहलिस ।

पाछे बुढवा कहल- “ री ! बेश्या माखुर चढात! वाकर जन्नी खुरू-खुरू माखुर चढाक आपन ठ-व ह दिहल ।

अस्तक आपन जन्नी से ज्या-ज्या मागल सब बातम बेश्या कैक नै छोड । बुढवक बानी आपन जन्नी हन हर बातम बेश्या कना रलहिस् । वाकर जन्नी एकठो फे रीस नै मानक आपन ठ-वक बात खुरू-खुरू मान ।

पहुनक मनम अइलिस कि याकर नाउं त “ बेश्या हुइहिस् कैक आव पहुना फे कहल “ बेश्या भात रिझल कि नाहीं ?

जब बुढिया पहुनक बेश्याकना शब्द सुनल त ऊ बडे जोरसे रिसाइल व कहल “ दहिजरा ! मै का त्वार जन्नी हुइँ ? म्वार बुढवा पो कथ का तै कह पैब्या? काकर महीं बेश्या कल्या ? अब यीह करछुल कप्पारिम जटक देवु आपन रुमाल दोस् । ल्या अपन भात लंजा । बुढिया रिझती भात पहुनक रुमालिम खन्या दिहल बिचारा पहुना आखिरम कौनो ठाउँम बैठना बाम फे नै पाइल ना त भात खाइक पाइल । भूखल प्याट अपन घर पुगल ।

यी कथा (वतकोही) सेक शिक्षा पेली त ? हमार गरीबन के दिन फे उह अभागो पहुना जसिन बा । अड्डा अदालतमा जैवत फे हमार बात कुई नै सुन्देथ । जिम्दरवन फे नै मज्जा मन्थ । हमार देश नेपालय आज सम्म अनेक परिवर्तन हुइल व अनेक दलकें सरकार गठन हो स्याकल लेकिन गरीबनके अवस्था उह आभगी पहुनक जसिन वस्तक वस्तक पल बा । तसर्थ गरीबन के मुक्तिक लाग सम्पूर्ण शोषित पिडित जनता हुँकन एक जुट होक संघर्ष कर पर्ना जरुरी बा ।

★ ऊ असिक बाँचता ★

ले- अशोक चौधरी
कर्जाहीं, दाङ्ग

पुषके आधा बित रहल
रातके तेश्या पहर बितल नै हो
सारा दुनिया मस्त निदम हेराइल वा
पूरा गाउँ अँधार रातम स्वाम्म कल वा
कहुँ अन्त कुकुरके भू-भू आवाज फे नै हो ।

मानौ,

सारा संसार सद्बक सद्बक लाग निर्दने बा
आव रातके रात पल रही
कब्भु दिन नै उँठी
जुग जुग सम
चकमन्न सन्नाटा
छाइल रही - छाइल रही ।

असिन्म

आपन आग पर्ना खोभ्रिम
दिया धरक
पैरा बा घाँस खन्प्रना
उ गसलि
सानी खन्प्रना कोठाम
लगातार धयाप धयाप

नै हुइस निद सुत्नाम
नै हुइस भूख खैनाम
रथिस सौँचाई हर वेला
साहुक ऋण तिनाम ।
माघ व बाघ हो कना

जलवा बा ऊ,

खोजनी बोजनीक बात

सौचल बा ऊ

खा ने खाक चल बा ऊ
पुखनके ऋण चुक्ता कर्ना
जीन्दगी ह दाउ लगैला ऊ
आपन धर्म कर्म न भूल हो ऊ

दुलही अन्लक दुई महीना न हुइस पुगल
छरिद्द ज्यानसे ज्यादा बोझ बातिस् थपल
मलिकवा धरथ न धरथ कौनो ठैकान न हो
सौकी कन्नामे कन्ना निकारथ कौनो किटान न हो ।

खोजनी बोजनीम मलिकवा

दोब्बर सौकी देखाइल
का कर विचार सुनके
हैरान हो गैल ।

कुछ साहस न हुइस

अन्यायके विरोध कर्ना
चुप चाप सह लिहल
फुटल कर्म ह धिकती ।
अन्याय व शोषणके

कठघराम फंसल बा ऊ
दलालके जालम
लट्पटाके बाझल ऊ
सामन्तक पञ्जाम

सिमोटके गुटमुटाइल बा ऊ
फटहक चालम

परके चुसलवा ऊ चुसल बा ऊ
वर्षक खेतीक काम

ओराइ कति कति
बाकर जन्ती मुलिस
बियार लगैती लगैती

वेहोस हुइल बडलङ्ग
हिलम गिरके

जन्ती मुलक हुइल

हाँथ ग्वार सरके

संसार अँधार हुइल
न हुइस आग पाछ
सिरिफ अकल्ह हुइल
आब कसिक ऊ बाँच ।



जब जनजातिक दोहलो काह जाइथ

(महेश चौधरी सांसद)

हमार देश नेपाल संसारक छोटी मुलुकमध्ये एक हुइलसे फे यी एकथो छोटी संसार फे हो, काकर कि यीहाँ प्राय सब जातिक मन जस्त मंगोल, आर्य, ड्रभिड आदि नश्लक मन हुकनक बसोबास बाँ ; यी मुलुक अनेक जाति तथा जनजातिक संगम स्थल हुइलक ओसे यीहाँ जातीय, भाषिक, धार्मिक व सांस्कृतिक विविधता रहल बा ,

सवत २०४८ सालक जनगणना अनुसार नेपाली भाषी अधिराज्यक कुल जसख्या मध्ये ५०.३९% मैथिली ११.८५% भोजपुरी ७.४६% थारू ५.३७% तामाङ्ग ४.८६%, नेवारी ३.७३%, अवधी २%, मगर २.३२% हिन्दी ०.९२% अंग्रेजी ०.०१% व अन्य ८.७७% बाट ।

श्री ५ पृथ्वीनारायण शाह देशके एकिकरण कलक पश्चात जनजाति-नक भाषिक व धार्मिक दमन प्रारम्भ हुइलक हो । चाहे ऊ राणाकालम हुवाए वा पञ्चायती काल नेपाली भाषाकेल राजकीय मान्यतापैती आइल बाट ।

पञ्चायती कालम एकक भाषा एकक भेष कना नारा धन्का गैल । राणाकालम त जन नेपाली भाषा बाहेक अन्य भाषहन लेखपढ कर्ना व

प्रकाशन कर्नासमेत प्रतिबन्ध लगागैल । विगतके दिनम हुइलक भाषिक दमनके कारण अन्य राष्ट्रिय भाषाहुंकेन आजसम अल्पविकसित अवस्थासँ गुञ्ज पर्लक यीहाँ आपन विवशता बा ।

नेपाल अधिराज्य संविधान २०४७ क धारा ६ से देवनागरी लिपिम नेपाली भाषा नेपालके राष्ट्र भाषा हो । नेपाली भाषा सरकारी कामकाजक भाषा हुइने बाट । नेपालके विभिन्न भागम मातृभाषक रूपम बोल्ना सक्कु भाँपाहुँकेन नेपालक राष्ट्रिय भाषा हुइत कहक स्पष्टसाथ उल्लेख कैगैल बाट । नेपाली राष्ट्र भाषा वाहेक अन्य राष्ट्रिय भाषक विकाशके अवस्था ह्यंगर बेर नेपाल भाषा (नेवारी) सबसे विकसित अवस्थाम बा । यी भाषाम उच्चशिक्षा हासिल कर्नाथेसे लेक आज विद्यावारिधीक उपाधीसमेत हासिल कर सेवना व्यवस्था बा । मैथिली भोजपुरी, लिम्बु, उर्दु भाषक विकास हाल देशम नै हुइलसे फे मैथिली भाषक अध्ययन अध्यापन भारतके पटनाम स्नातकोत्तर सम्म व भारत के दार्जिलिङ्ग व सिक्किम लिम्बु भाषम उच्चशिक्षा प्रदान कैजैती बा । नेपाल अधिराज्यक संविधान धारा १८ से नेपाल अधिराज्यम बसोबास कर्ना प्रत्येक समुदायहन आपन भाषालिपि व संस्कृतिक संरक्षण तथा संवर्धन कर्ना अधिकार प्रदान कैगैल बा । प्रत्येक समुदायहन आपन बालबालिका हुकन प्राथमिक तहसम्म आपन मातृभाषम शिक्षा देना किसिमसे विद्यालय सञ्चालन कर सेवना स्वतन्त्रता प्रदान कैगैल बा । तर संविधानक आशय अन्य राष्ट्रिय भाषम प्राथमिक तहसे उँपरक शिक्षा हासिल कर नै सेकजाई कर्ना कदापि नै हो ,

यदि अन्य राष्ट्रिय भाषक छात्र-छात्राहुँकेन कौनो विद्यालयम ऐच्छिक विषयक रूपम आपन मातृ भाषम शिक्षा हासिल कर्ना माँझ कल कलसे हुँकेन आपन मातृभाषम शिक्षा हासिल कर पैना कि नि पैना ? सरकार वाकर नैसँगिक अधिकार प्रदान कर्ना कि नै कर्ना ? नेपाल भाषक (नेवारी) विद्यार्थी हुँकेन उच्च शिक्षा थेसे लेक विद्यावारिधीसम आपन मातृ भाषम हासिल कर पैथ कलसे अन्य राष्ट्रिय भाषक विद्यार्थीहुँकेन ऊ अवसर काकर नै पैना ? अन्य राष्ट्रिय भाषम प्राथमिक

तहसे उँपर अध्ययन, अध्यापन कर्ना अधिकार नै हो कहके सरकार जहिया फे निपच खवाजथ । संविधान त जातिय समानता व भाषिक समानतक बात बतोईल बा । सरकारक अन्य भाषा हुँकेन प्रति कर्ना पक्षपातपूर्ण व्यवहारसे का नेपालीक जनजातिक मौलिक हकके सुरक्ष हुईसेकी ? सरकारक असिन पक्षपातपूर्ण व्यवहारसे का समानता कायम हुइलक मान सेकजाई ?

नेपाली राष्ट्रभाषावाहेक अन्य राष्ट्रिय भाषक विकास कर्ना अभिभारा ऊ समुदायककेल कदापि नै हो, सरकारक फे प्रमुख दायित्व हो । कौनो फे भाषक विकासक लाग राज्यका कसिन वातावरण व सहूलियत प्रदान करथ, भाषा विकास वाकरम निर्भर हुइना बात हो । आज सम राज्य अन्य राष्ट्रिय भाषक विकासक लाग कत्रा राज्यस्वव्यय कर्ल बा ऊ आधारम समानतक बात कर्ना सजिलो हुई ।

अन्य राष्ट्रिय भाषक विकासक सम्बन्धम राजसे अबलम्बन कर्ना नीति बारे संविधानक धारा २६(२) म स्पष्टसाथ उल्लेख कैगैल बा "विभिन्न धर्म जात जाति सम्प्रदाय व भाषा भाषिक हुकनक बिच स्वस्थ एवं सुमधुर सामाजिक सम्बन्ध विकसित कैक सक्कुनक भाषा, साहित्य लिपि कला व संस्कृतिक विकासमे देशक सांस्कृतिक विविधता कायम कैक एकताहन सुदृढ कर्ना नीति राज्य अबलम्बन कर्ने बा । यीहा प्रश्न उठ स्याकथकि आजसम राष्ट्रिय भाषक विकासके लाग सरकारका कत्रा प्रयास कर्ल बा ? राष्ट्रिय भाषक विकाशक लाग शब्दकोष पाठ्य पुस्तक व्यकरण निर्माणओर सरकार पैला चलैल बा कि नै हो ? आजसम यीहरओर सरकारके प्रयास प्रायः शून्य जसिन देख परथ । राज्यक असिन पक्षपातपूर्ण व्यवहारसे का यी मुलुकम स्थायीरूपम राष्ट्रिय एकता कायम हुईसेकी ? सक्कु जहनके लाग यी मननयोग्य बात हो । जनजातिक कौनो विद्यार्थीहन नेपाली भाषक कवि लेखक बन्ना कठिन (मुस्किल) पर स्याकथ तर वहीहन आवश्यक अवसर प्रदान कर्ना हो कलसे वहीहन आपन मातृ भाषम ग्रन्थ लिखना सजिलो हुई सेकी । रवि-

न्द्रनाथ टैगोर बङाली भाषम आपन कीर्ति लिखके विश्वम ख्याती प्रा-
प्त करसेकथ कलसे नेपालके जनजाति हुक फे आपन मातृ भाषम आपन
अमूल्य कीर्ति कोरक ख्याति प्राप्त विद्वान बन नै सेकही कैंक कसिक
ठोकुवा कर्ना ?

आज जनजाति महासंघ देशम एकथो राष्ट्रिय भाषम विश्वविद्यालय स्था-
पनके माग कर्तिबा व सरकारसे आग्रह कर्ति बा कि ऊ मुलुकमा सर्व
प्रथम राष्ट्रिय भाषक विद्यालय सञ्चालन करक लाग अनुकूल वाता-
रण सृजना कर व सरकारक दृष्टि उहँरओर आर्कषित हुई नै स्याकथो
वहुसंख्यक रूपम रलक जनजातिनक भावनाहन लत्याक यदि सरकार
मुलुकम मुट्टी भर पण्डितनके छाई-छावाहुकन भत्ता खर्वना किसिमसे सं-
स्कृत विश्वविद्यालय सञ्चालन करथ कलसे वहीहन सामाजिक न्याय
कदापि मान नैसकेजाइ वहुके जनजातिक हुक कहती बाट । विकेन्द्रीकरणके
अवधारणा कलक स्वायत्त शासन अथवा राजनैतिक, आर्थिक व सामा-
जिक स्वायत्तता हो । जहाँ स्वायत्तताक बात उठथ उहा भाषिक स्वायत्त-
ताक बात फे ऊठना करथ । छिमेकी मित्त देश भारतक पश्चिम बङ्ग-
ालम बङ्गाली, उत्तर प्रदेशम हिन्दी, मद्रासम तमिल अस्तक प्रात अनु-
सार मराठी, गुजराती, पजाबी आदि प्रान्तीय भाषाहुक आ-आपन अस्-
तत्व कायम कर सेकथ कलसे यीहाँ फे मुस्ताङ्ग, मनाङ्ग, गोर्खा, लम्जुङ्ग
कास्की जिल्लाम गुरुङ्ग भाषा ताप्लेजुङ्ग, तेह्रपुम, पाँचथर, धनकुटा, व इलास
आदि जिल्लाम लिम्बु भाषा सोलुखुम्बु संखवासभा, भोजपुरी भाषा, म-
यागदी, रूकुम, रोल्पा, प्युठान, पाल्पा, तनहुँ, स्याङ्जा आदि जिल्लाम
मगर भाषा, काठमाण्डौ उपत्यकाम नेवारी भाषा, धार्दिङ, नुवाकोट,
रसुवा, सिन्धु, पाल्चोक, काभ्रे, सिन्धुली, मकवानपुर, दोलखा व रामेछाप
जिल्लाम तामाङ्ग भाषा व अस्तक तराइक जिल्लाम थारु, अवधी भोज
पुरी व मैथिलीहुक आ-आपन अस्तित्व कायम कर्ना काकर नै सेकही ?
तामाङ्ग हुकनक छाई-छावाहुक नेपाली भाषम शिक्षा हासिल कर सेकथ
कलसे तामाङ्ग भाषक बाहुल्यता रलक क्षेत्रम बसोवास करईया बाहुनक
छाई-छावाहुक तामाङ्ग भाषम पढ नैहुइना कहाँ बा कहके आज जन-

जातिहुक कहती बाट ।

आज देशम प्रजातान्त्रिक वातावरणक सुभारम्भ हुइलक सु-
नौलो अवसरम मुलुकम सक्कु समुदायक मनैहुक आ-आपन भाषा तथा
साहित्यक विकास कर्ना सबलाइल बाट । असिन शुभ घडीम देशक
सक्कु नागरिकहुकन आ-आपन व्यक्तित्व विकास कर्ना तथा भाषक वि-
कास कर्ना राज्य समान अवसर प्रदान कर्लक खण्डम यी देशम बहुद-
लीय प्रजातन्त्र सुदृढ हुइ सेकी ।

अनु० जगन्नु प्रसाद चौधरी
गा. वि. स. धधवार-६
रैया

यी लेख जन आस्था साप्ताहिक मे लेलक हो ।



युवक हुकन सन्देश

ले. कविराम थारु
कर्मला, बर्दिया

ओ..... विकास प्रेमी युवा हो, कान खोलके सुनोवा
आँख खोलके देखोना, अन्यायके बिरोध करोना
कथसे कहं मै यी दुःखके कहानी
पशुअस बितता गरीबके जिन्दगानी
महलके पजर बुकरक निशान
आज साबित हो गैलवा उ पक्का जेलखान
ओ मुक्तिदाता युवा हो.....

बच्चा सेन बुहाइल तक सक्कु जरम कैदी
गोरमन जजीर वा हाथम हथकडी
मुहमटक ताला म बा पाइल अपराधी
मानव रूपी दानवनके हो यी मनबरी
ओ न्यायप्रेमी

आधारात सम जन्नी वक्र भारा धुइना
स्कूल जाइ नै पाक लरका भैरीक पाछ रूइना।
लडका तक दास बन परना जिन्दगानी
कैदी जरम बिताई पर्ना खाक मारक पानी
ओ देशभक्त युवा

विमारम तक छुट्टी नाही कहाँ शनिश्चर
कोनोम रूइती बिताइ पर्ना सक्रु तै तिहार
कहाँ तक मुनाउ मै यीहाँ कैदिके हाल
आज बुझ पर्ना बा यी शोषकनके जाल
ओ महान वोद्धा युवा हो ।
एक शक्ति जोर्ना बा, क्रान्ति कर पर्ना बा
जरम कैदिन मुक्ति देना बा



आत्म सम्मान

लेखक कृष्ण कुमार चौधरी
भा. वि. स. धधवा-६ बर्दिया

“थार जाती बहुत पिछरल बाट, भाषा साहित्य पिछरल
बातीन, आर्थिक सामाजिक, राजनीतिक आदि इत्यादि रूपसे छिरल बाट
अशिक्षक कारणसे अन्धविश्वास कुरुती म डुबल बाट, कला संस्कृति लोप
हुइतिन।” यी कहाइ हम्न हमार तनाम बुद्धिजावा, नेता समाज सेवी,
साहित्यकार, लेखक, कवि हुकनक मुहम, कलमम सुन्ती व पल्लती ऐथी
हम्न सबजन हुकनमे हँ म हँ मिलाए जैथी। हमन लागत हम्न जातिक
पिछरल ग्नी। हमन “साले थर” कैक बलैलसे फे चुपचाप जाक पाउ
पर परथ, आपन मुहमसे “हजुर का कहतो” से धेर बवाल नै सेक्थी
हम्न तमाम जनहनसे “थार गोरू” उपाधी से परिचित हुइलकेल नाही

प्रसिद्धि कमासेकल बाटी। का हमार मुह नै हो? हमन गोरूके संज्ञा
दिहइयम से तर्क कर सेक्ना सहक बैठ पर्ना। बा तफे काजे चुपचाप
त! काकर की हमार नेताजी, बुद्धिजीवी समाजसेवी लेखक, कवि, सा-
हित्यकार लगायत शिक्षित प्रतिष्ठित मनै हुक जो हमन पिछरल सज्ञा
देथ। वस हम्न मुअल दाइक लर्कन छोटकी (मौसी) दाई जस्तक हेलाहा
करवा पैथ वस्त करवा पैथी।

कौनो फे चिजहन नै मजा हो कैक हेलाहा कलसे उ नै
मजा देख पर लागथ भलही उ मजा रह। जस्त हम्न हिरामोतीहन
सुघर मानक गहना संज्ञथी, तर वाकर सटहा लोहाकहन धेर मजा व
उपयोगम लानी व हिरामोतीहन घिनाहन वेकामी कैदी वाकर खिल्ली
उराही त अवश्य फे हिरामोती से लोहाकके उपयोगीता, माग धेर हुइ-
हिंस। हिरामोती बहिस्कृत हो जाई। तर हीरा हिरा हो, लोहाक लो-
हाक लोहाक हो रूपान्तर कबु नै हुइया हो। वस्तक कौनो मनैया
सुघर रलसे फे घिनाहन बात्या कैक खिसी उरादेना व घिनलगीक
मनैया सुघर बात्या कैक मजा मन्ना कलसे फे सुघर रही, घिनाहुन
मनैया घिनाहुन रही। सायद सुघर मनैया घिनाहुन देखुश्यन घिनाहुन
हन सुघर द्याख सेक्थ। सुघर मनैया घिनाहुन बात्या कैक सबजन
खिइया देलमे वहिहन आत्मगलानी हुइत वही आपन पर घिना लगहिंस
तफे उ जस्त बा ओस्त रही, औरजन कैक उ मनैयक रूपम कौनो परि-
वर्तन ऐना नै हो। यीहाँ एकथो का बात संज्ञना उचित देख परथ की
कौनो फे चिज, प्राणी वा मनैन मजा नै मजा मान, द्याख सेक्जाइब
लेकिन हुकन्हक आपन-आपन ठाउँम आपन-आपन महत्व बिशिष्टता र-
थिन! और जन नै मजा व मजा कतीम मजाम हुइना नै हो। जस्त
दिउँतनके रक्षा भगवानन कल वकथ कतीम दानवनक रक्षा फे भगवान
कर्थ कना बात तथ्यहिन देख परथ।

आजकाल हमार थारू जाती असिन हो गैल बाती की हम्न
गोरून हर जोतुया मनै अथवा लल्लया हँकुइया लल्लेनवा हुँक तकती -

तकी वा दाहिन बाउं कैक यीहँर उहँर घुमैथ वस्तक हम्न फे और जातीनके सस्कृति; साहित्य कला अथवा नक्कल कर्ना म घुमल बाती। हमार भाषा साहित्य कला, संस्कृति पिछरल बा। हम्न अशिक्षक कारणसे अन्धविश्वास कुरीतीम फँसल बाती। हम्न सामाजिक, राजनैतिक आर्थिक रूपसे पिछरल बाती। हमार समाजके उत्थानके लाग हम्न सोचना काम झमेला मन्थी। कुई तुन्हक कान कौवा लँगल कलसे हम्न आपन कान छगना प्रयास नै कैक कौवक पाछ लाग खोजथी। अस्तकहँक शोषक सामन्त जाली फटाहा हुँक हमन ठगल वाट व हुँकहे हमन थार गोरूके संज्ञा देथ।

का हम्न जातिसे थार गोरू हुइत? अवश्यफै नै हुई। हमन जे गोरूके संज्ञा, उपनाम देथा वक बराबर हमार फे बुद्धि बा, ताकत, क्षमता बा। हो जे हमन गोरू कहता ऊ हमार नै जानल जानथुई तर हमार जानल ऊ फेत नै जान स्याकथुइ। कौनो काम करवेर हम्न घेर गलती करथुइत्री ऊ दान्त्रे। आखिर गलती जे फे कर स्याकथ यी स्वाभाविक बात हो। आपन नै जानल नै कर जन्ना गोरू होइना नै हो वेन्से आनक इशारामकेल काम कर्ना गोरू हुई स्याकथ। हमार थार जात फे नेता, मन्त्री, वकील, डाक्टर, इन्जिनियर, शिक्षक आदि तमाम क्षेत्रम काम कर्ती बाट ओस्तके हम्न फे हरेक क्षेत्रम फेलती बाती।

का हमार भाषा, साहित्य, कला, संस्कृति जातिसे पिछरल बा? अवश्यफै नै हो, हमार भाषा, साहित्य, कला, संस्कृति रितिरिवाज पहिरन वा कहुइयन, देखुइयन याकर महत्व नै बुझल व नै जन्ल हुइत। यही से परिचित नै हुइल हुइत। हुक याकर सकारात्मक अध्ययन कर्ना जरूरी देख परथ। हमार भाषा; साहित्य, कला, संस्कृति, रितिरिवाज पहिरन त आज हमन थार हुइत, हिकन्हक आपन महत्व तौर-तरिका बातीन; हिकनके फे अस्तित्व बातीन कैक चिनारी दिहता। यी चिनारी (हाँक) से डरुइयन हमार भाषाहन पिछरल देखाक आपन भाषा जबर्जस्ती लाद खोजथ। आपन भाषक प्रभुत्व खोजथ। हम्न हुकनके भाषा

नै जन्लसे पिछरल हुइना व हुँक हमार भाषा नै जन्लसे कुछ नै हुइना हम्न हुकनक भाषा बत्वाय लगलसे खिस्सी कहुइयन हमार भाषा बत्वाक त जानत ना और भाषा सिखना स्वाभाविक रूपसे कुछ अण्ठेरो रघा।

का हम्न अशिक्षाके कारणसे कुरीति अन्धविश्वासम फँसल बाटी हा हम्न अशिक्षित घेर बाटी तर अशिक्षितके कारणसे अन्धविश्वास, कुरीतिम फँसल बाटी कलसे अमेरिकी जापानी, रूसी, ब्रिनिया, जर्मनेली बेलायती आदि विकसित देशके मनै फे त अन्धविश्वासम फँसल बाट। यीहाँके तथाकथित विकसित हुइयन फे अशिक्षित हुइही तब्त अन्धविश्वास कुरीतिम फँसल बाट। अन्धविश्वास कुरीति त समाजरहत समपली रहथ चाहे जत्ना शिक्षित समाज रह।

का हम्न थारू आर्थिक, राजनैतिक सामाजिक रूपसे पिछरल बाटी? हमार संविधान सत्रजहन बराबर हक अधिकार देल बा चाहे उ थारू, बाहुन, क्षेत्री ज्ञोन हवाए। हम्न नेपाली नागरिक हुई, हमन आम्दानी नै कर पैना कैक नै कल हो राजनिति ना करो, स्कूल जिन जाव, प्रधान मन्त्री, मन्त्री, डाक्टर, वकील, इन्जिनियर, प्राध्यापक हकिम जिन बनो कैक रोक छक नै करल हो। वेनसे हम्न अप्पनमुराधो आपन हक अधिकार के सदुपयोग नै कर स्याकथुई काकर की आपसी बेमेल राजनैतिक स्वार्थ, आर्थिक विपन्नता बा जे स्याकता उ मन्त्री, डाक्टर, वकील बनती बा तफे सायद हम्न संघठित हुइलसे त हमार हक अधिकार जे उपयोग कर नै दिहथो बहिसे लिह (छिन) सेक्बी। एकताके अभावसे हम्न हमार भाषा साहित्य, कला, संस्कृति, रितिरिवाज चलचलन पहिरन के प्रचार प्रसार कर नै स्याकथुई, संरक्षण कर नै स्याकथुई। हम्न आर्थिक राजनैतिक, सामाजिक शोषणम परल बाटी।

आज काल "हम्न थारू पिछरल बाटी, कना वाक्य से डराक कुछ पत्तल लिखल शिक्षित हुँक आपनहन थारू हुइतुँ कहक फे हिचकी चैथ। आपनहन आधुनिकता देखाइकलाग आपन मातृ भाषा संस्कृति ह विस्था दारता। हमन थारू पोशाक लगाइल जन्ती (महिला) तथा थारू

(पुरुष) पर घिनः भावनासे हेर्थे । सागरमोथा अस धार मुन्टा (शिर)
 लगाक हम्न "थारू हूँ" कहक पर्ना बा थार से थारू बनलक हम्न थारू हुइ ।
 हमार आपन रहन सहन, चाल चलन, भाषा साहित्य कला संस्कृति रितिरिवाज
 बा । हम्न सब थारू हुक एकजुट होक हमार भाषा साहित्य, कला
 संस्कृति रितिरिवाज, पहिरनक संरक्षण, सबर्धान करपर्ना बा । जे हिलाए
 ऊ बिलाए, यदि हम्न हिलाई करबी कलसे एक दिन थारू शब्दकके
 अन्त्य हुइसेकी । उह मार आव हमारम थारू हुईतु कना आत्मसम्मानक
 रगत सचार चालु कराइपर्ना बा ।



❖ गोचालीनम्वार आहवान ❖

लेखक सृशील चौधरी
 लाटीकोइली-६
 पातल गंगा, मुखेत

हे ! शोषित पिडित थारू भाई
 जागो उठो आपन हक लिहक लाग,
 छातीमन आँट व शाहस लेकन,
 दुःखके नोनार आँस चुहाक नाही,
 बदलाके भावना लेकन ।

आब कहीं सम्म निदाइल रबी,
 अन्धार कोन्टीमन
 एक टॉरा घाम आस्याकल
 हेरो त आकन अंगनमन,
 हे ! शोषित पिडित थारू भाई ।

सामन्ती जाल रूपी घुस उठाक त हेरो,

दुनिया कत्रा आग पुग स्याकल तुहिन छोडकन,
 तर तुँ आम्हिन गोम्हन्या कति बातो कुटन्यार हर पककन,
 हे ! शोषित पिडित थारू भाई..... ।

कत्रा मनै शिक्षाके दिया बाकन,
 सभ्यताके शिखर पुग मेकल,
 तर, तुँ आम्हिन कर्महन दोष देकन,
 कपार पकक खुई ! कति डटकरल महसुस करतो,
 समस्याके पर्वत्वा चिहुनी शाहस करक छोडकन,
 वकर आग लम्पसार पक आत्म समर्पण करतो
 (हे ! शोषित पिडित थारू भाई ।)

तिरस्कार व बेइज्जती सहक जिती मुवलसे,

इज्जत पूर्ण अस्मिन्त्वक प्राप्तिक लाग,
 मुकन जिय सिखो
 दासताके जंजिर टूटाइक लाग,
 आगिक अँगथा होक बर सिखो;
 सूर्यक किरण होक संसार अजरार कराए सिखो,
 हे ! शोषित पिडित थारू भाई..... ।

उह मार आव,
 आपन भाग्य चम्काइक लाग,
 आपन कर्म सप्राइक लाग,
 तकदिरके पन्नामन
 बिवेक व पस्नाके मूल फुटाओ,
 छिट्कल शक्तिहन जुटाओ
 हे ! शोषित पिडित थारू भाई
 जागो उठो आपनहक लिहक लाग
 छातीमन आँट व शाहस लेकन
 दुःखके नोनार आँस चुहाक नाही
 बदलाके भावना लेकन ।



❖ उ फेरी अइती बा ❖

लेखक विष्णु प्रसाद चौधरी
गा. वि. स. मगरागाडी-३ धोविया

वाकर आदत बैल बातिस सक्कु कर्मयन उठ्तीकी काम अहैना ओ अपन पूजा- पाठय मिनी। सद्दक बानी रलसे फे आउ उ आपन पूजापाठ झट्टु ओरैना सोचम बा। काकरकी आझुक संबिधान दिवस म झट्टु पुगक पर्ना बात वकर मनम घरि-घरी छ्यालतिस। जाइक पर्ना फे दुर सदर मुकाम गुलरियाम रहलक ओसे ऊ सबकाम फटाफट कर शुरू करथ।

बडे मन्दिरके पूजारी अस ऊ हरि- हरि नारायण कहती लगक झरनम लहाथ जाइथ। लहाके सेक्के दिनओर मुँह करल ध्याबर पुत्युतैती ध्यान करथ ओ सेक्के जहोर तहौर पानी छिटथ। झरनम कर्ना सक्कु क्रिया करम ओराके ऊ फेर हरि..... हरि..... राम..... राम जसिन कैंयो भगवान के नाउँ लेहती घर घुमथ।

अइतीकी कमलहरीह ठाक पार कहेके पूजा कोठाम चल जा- इथ। टिनटिन..... टिनटिन घण्टी बजैती विभिन्न किसिमके मन्तर बषरैती आपन पूजा शुरू करथ। पूजक क्रमम ऊ आपन सारः फूलवारी गुन्गुनैती घुमथ ओ सेक्के भन्सा कोठाम आइथ। उहँ आइथ त कमलहरि सब चिज तयार पल रथिस। ऊ खाना रिझाए (पकाए) शुरू करथ। तब- हे वाकर कर्मैया 'मनपुहवा डवारीथे आक कह थस। "मलिकवा' हो मलिकवा!! आज मही बिदा दिहक परल।"

"कसिन बिदा मङ्गथ्या रै असिन कमाहिक दिन फे" जिमदरुवा भन्समसे कहथ।

कसिन बिदा मंगम हजुर जन्तीत बातो काहु जन्ती सारि- कसा बेराम बा कहेके। आज काल और करी हो जाइता उहमार

एकचो नेपालगंज सम पुगादारु कहतुँ।..... मन पुहवा आपन बात ओरैल नै रहथ। आब ऊ रुप्या मांगकलाग रहथकी जिमदरुवा विचम बात खप्कती ब्वालथ। "कहाँ भन्सम पैठ-पैठ करता गधा उहर बैठक बत्वा।" ऊ (मनपुहवा) पछगुरके बेरीम बैठथ ओ आपन बात पुरा करथ। "दान्चे रुप्या फे देवो काहुँ हजुर! मै त आब तुहौर स-हरा बातुँ।"

तै कत्रा दवाई करैब्या रै गधा ओसिन कोही जन्नीक। दवाई कराइत - कराइत त्वार सक्कु बिघा कटाके फे पाँच पाँच हजार ऋण होगैल। ऊ त कोह्याके पो बेराम पलक हो। उठना, दुई दिन काम कलसे फे बेराम होजैना यी काहो? आब तोही ना ऋण दिह सेकम ना त असिन धन देना समयम छुट्टी। सटाहा खोजक जेब्या त जा।"

मलिकवक यी बात सुनके मनपुहवह मनम रिस त लागल रथिस तर काकर विचारा रुप्या पैना और डगर नै रलक ओसे न-महोक फेर कहथ-"तु नै देवो त के दी महीं।"

अत्रम जिमदरुवा रिसा जाइथ। "नै दिह सेकम त कहती बातु त तोही कत्रा किच-किच कर परता गधा। एक चोट कलक बात नै मानी। बडा भारी मन बन खोजी साले। तिर सेकनास ला-रथिस की ओस्तहँ गध ह।"

मनपुहवा आब यहीसे काम नै बनी बन बात बुझ धारथा। अन्त ओर खाजक पर्ना विचार करथ ओ रानपरोसके जहन समझथ। तर देना असक सब मननके आपननध अवस्था छाखथ। अपनेहत बेसहारा वाट कलसे मही कसिक सहारा दिह सेकही। यी बात सोचती कुछ नै बोल्के गहीर मन लेल उ आपन बुक्रावर चलजाइथ। चुपचाप एक शुरले आपन जन्नीह ह्यारथ दाइक हेरचाहकर बैठलक नौ वर्षीया छाईह ह्यारथ ओ अँधार मुह करैर अन्त ओर ह्यार लागथ। आपन जन्नीक दशा देखके ओही मुह फोके हइनास लागिथ तर आपन दिलके दर्द दुनियाह मुना-

ए नै चाहथ जे वरुन दुःखम हँसी उराइता । “ सम्झुइया मनैत सब बुझल बाट ” उ स्वाचथ । तर मुन्टा लगाके एक सुरले उ आपन जन्नीक बेराम पलंक घटना सम्झ लागथ जौन अकल्हे (अकेली) हुइतीकी हर दम सम्झना आ जँथिस ।

“ विचारी हप्तादिन सम त बेराम-बेराम घामपानी नै मा-
स्क धान लगाए गेल । ओसिनम फे जिम्दरूवा छुट्टी नै दिहल । उ-
पाय नै लाग लगिस त का करी घरही रह लागल । स्याकल सम ज-
री बुटी दवाई, विरूवा कर्नु दन्चे चोखँतीकी काम कर बलाई लग-
नाम कहाँसे चोखाई ना दवाई विरूवा कर लँजाइकलाग छुट्टी देना ना
घरहीम फे मजासे चोखाई देना यी रोग विगँना सब जिमदरूवक काम
हुइस । ”

यी बात सम्झतीकी उ रिसले आगी हो जाइथ । आज त झन
रिसले चुर बा । उ कैयो चोट जिम्दरूवह मारके भगना बात फे स्वाँचथ
तर ओसिक कर नै स्याकथ काकरकी वाकर साथम जहोन, लडका
पडका वातिस । भित्त-भित्त मुर्मुँती एक चोट फेर जन्नीक ओर ह्या-
रथ त छाइह म्वाक डगर दुर हेती आँस गिराइत याखथ । उ अपनेह
फे आँस पोछती छाइह सम्झाई लागथ “जिन रो छाई, हमार गरीबन
के लाग के बा जे री दिहुइया । परथ हमार उप्पर त परथ । ”

ऊ जन्नी से फे दुई बात बत्वाई खाजथ तर अस्पष्ट
बोलिक कारण बत्वाई नै स्याकथ । जिना आशा छोडके छाइह बह-
यासे ह्यार कसिक खेन्हवा ओर मनमलँ चल जाइथ । उहर ओर खा-
ना खाक जिम्दरूवा जाइक लाग तयार रहथ । एकथो छावह छडके
सब परिवार दिवस मनाए जाइक लाग लहरूम सवार हुइथ । बस स्टेज-
न पुगके सब जान बसम जइथ । सदर मुकाम उत्रतीकी ओही शिवजी
जय नेपाल ! ओ नमस्कार कहती मनै वाकर पाछ पाछ करलगथ
उ सभा स्थल ओर लागथ जहा जाके अतिथिके रूपम मञ्चम उपस्थित
हुइथ ।

कार्यकेम के शुरु हुइथ । अतिथिके रूपम सी. डी. ओ. डी.

एस. पी. लगायत गन्यमान्य विभिन्न संग संस्थाके प्रतिनिधि फे बलागैल
रहथ । वक्ता हुँक बोल्ना क्रमम सविधान के मुल-मुल विशेषता के व्याख्या
कर्थ । कोइकथ “हाल सम्म के नेपालके सबसे प्रजातान्त्रिक संविधान हो
जोन आझुक दिन घोषणा हुइल रह । यी संविधान से मिलल मौलिक
अधिकार पाके जौन स्वतन्त्रता हप्ता पँलबाटी याकर खुशियाली शब्द-
भब्यक कर नै सेवना अस लागथ । कुई जुन्हुक सार्व भौम सत्ता जनता
के हाँथम आईल बा कहके कथ । यी संविधानके विरुद्ध करुइया प्रतिगा-
मी तत्व फे हमार देशम बाट जेहीसे प्रजातन्त्र खतराम बा । हमार
जसिन कर्मठ नेपाली सपुत हुँक याकर लाग सचेत रहक पर्ना जरूरी
बा ” अस्तहँ अस्तहँ बात कति वक्ता हुँक जोड जोडसे बोल्थ उहँरसे दर्शक
हुँकनके ताली साथ दिहाकरथ ।

अस्तहँक बोलना क्रमम शिवलाल शर्माके पाला अइथिस ।
उ गहिदहुकनके सम्झना कति धिरसे भाषण शुरू करथ । भाषण कति
जोडसे बोलना गति फे बढैती जाइथ । जे चोर ओकहँ भारी स्वर कह
अस उ घाँटी फलैती भोजहा गोला पटक अस प्रजातन्त्रके वकालत कर
लागथ । “ आजकाल प्रजातन्त्रके लाग खतरा कलक यी संविधान
नै मन्ना प्रतिगामी तत्व हुकन्से बा । प्रतिगामी तत्व हुकनके चाहल
व्यवस्था आई कलसे छाई छावा, दाइ बाबनके विचम चिन जान नै
रहथ, सब जन एक कोठम छेग्रीभेरो अस रहक परथ । कब्भु फुर्सत
नै मिलथ त फे खाना खाईवेर तथिया मांगक पर्ना जसिन
अन्तम ओसिन व्यवस्थाके पाछ नै लागके प्रजातन्त्रके रक्षा करक लाग
जन समुदायसे अनुरोध कति विदा हुईथ । पाछ और वक्ता हुँक फे
ओस्तहक जोड-जोड से भाषण जारी रखथ ।

संझ्यक कार्यक्रम समाप्त हुइथ । जिम्दरूवा उहरी दुइ चार
दिन बैठना सोंचम घर ओर जाइ लागथ । तब्बहँ गाउँसे छावक फोन
आइलक खबर थाहा पाइथ । उ हाल खबर, पुँछक लाग त हुई कना

सौचम रहथ तर आपन छावक वात सुनके छटपटाइ लागथ । संझ्या हुइलक मार छावह काल अइम कहिके घर ओर चल जाइथ ।

हुइलक का रहथ कलसे जब मनपुहवा खेन्हवम जाइथ वही मनमलं देखके सक्कु कमैयन पुछ लगथ । उ जिम्दरुवा से हुइलक सक्कु बात एक-एक कैक बतबाइथ । बाकर बात सुनके सक्कु कमैया जिम्दरुवक उपपर रिसले आगी हो जैथ । आजकालफे छट्टी नै देना यी कसिन जिम्दरुवा हो । अपने दवाई कराइक पर्नाम इन ऋण फे नैदिहम कहथ । ज्याकर कमाही खाइथ । वही और साले गधा कैक कहथ हम्म जत्रा कोम कलसे फे ऋणक ऋण जब सम्म दवाई नै कराई तब सम्म कोही नै कर्ना “ कहिके कमैयनके अगुवा प्रसादी बात धरथा ।

वाकर बातम सब जान मञ्जुम हुइथ ओ भैंस, गोरू बग-रोम वाँधके खेन्हवा छोर देख । जिम्दरुवा उहाँ रात भर निद नै पथिस । उ कब विहान हुइता कहके छटपटाइथ । विहान हुईतीकी पूजा पाठ गोली मार्के संघरीयक मोटर सऱइकिल लेक गाउ वर लागथ ।

सक्कु कमैयन बुक्रम भैंस गोरू भूखल बगरोम देखके उ भाषण जोरसे कलकलैती सब सब कनैयन नै मजा नैमजा गरीयइती घरम पैठथ । यी सब काम मनपुहवक हुइस्कैके उ छावह मनपुहवह बलाए कहथ ।

मनपुहवह आइत देखके सक्कु कमैयन जिम्दरुवकथे जैथ और जहन फे आइत देखके जिम्दरुवा रीताके “ तुह काकर ऐलो जा ब तुहनसे काम नै हो ” कहथ ।

यी बातले कमैयन कौनो असर नै परथ । हुक दवाई नै कराइत सम्म काम नै कर्ना कैके अड़िग रहथ । ओठिह जिम्दरुवक ओ कमैयनके बिच बोलीले बाझा वाझ हुइथिन । उह क्रमम “ तै जसिन शोषक यीहाँसे भागक परी हमन भाग कथ्या कहिके प्रसादी कहथ । जिम्दरुवा यी बातले त्रसित हो जाइथ ओ बात बनाइथ । “ मै का नै दिहम कहतु? दिहम कहती कहती फे तुहन कत्रा किच किच कर परता ।”

काकरकी उ बात बुझ धारथ मही नै छोरही कैके उतु-रन्त रु. २००० दुइ हजार प्रसादी हन दिहथ ओ दवाई करैना ठाउँ ब-तैती सम्झाइथ । मनपुहवा ओ प्रसादी मनपुहवक जन्नी लेक नेपाल-गञ्ज ओर लगथ । और कमैयन जुन्हुक संघर्षम सफल हुइलक ओसे खुशी मन्ती कामम लगथ ।

हप्तादिन पाछ मनपुहवा ओर प्रसादीह जिल्ला प्रशासनसे बलौवा आइथिन । उहाँ जाके बुझवेर ऋण नै बुझलक कैके मनपुहवा ओ कमैयन लगाके लुटपाट मचैलक कैके प्रसादीह मुद्दा लगाइल रहथिन । झुट्टा मुद्दाके तारेख बोकाके गरीबन सतैना जिम्दरुवा प्रजा-तान्त्रीक अधिकार पँलबा । गरीबके मुक्तिके लाग लाडना योद्धा हुकन कैद कैके आपन प्रजातन्त्र बलगर हुइना सपना देखल बा । थोरिक दिन पाछ मनपुहवक जन्नी ओरा जैथिस वाकर पिडा ओ जिम्दरुवा जत्रा सतैलसे उ झूकना पंक्षम नै हो । उ कैयी कमैयनके साथ लेक संघर्षम उत्रना आँर कलबा ।

थारू जतिनक बरका तिहवार माघ संक्रान्तीक उप-लक्ष्यमा सम्पूर्ण शोषित पिडित वर्ग हुंकन अन्या-यक विरुद्धम लडना शक्ति ल्यान दिह कना शुभकामना व्यक्त करती ।

अमर डांगी

दामोदर अधिकारी

प्रमुख

उप-प्रमुख

त्रिभुवननगर नगरपालिका, घोराही (दाङ्ग)

❖ हमार दशा ❖

ले. लक्ष्मण चौधरी
लाटीकोइली गा. वि. स. वा. न. ८
कालीमाटी गाउँ सुर्खेत

रातदिन हम्न कर्थी काम
प्याट भर खाए काहाँ पैथी माम
साहुन्के घर काम कर्थी नही पैथी दाम,
भुखल प्याट काम कर्थी सद्द घाम घाम।

आनक भरम बाँच पनी कसिन हयार जीवन;
पशु असक कारवा पैथी नस्से रूइथा यी मन,
शिक्षा कना का हो? थाहाँ निहो हमन,
पढी लिखी बुद्धि सिखी चिन्ही आपन दुश्मन। २

एक जुट होक आग वदना शाहस हम्न करी,
दानब असक सामन्त हुकन हम्न खसाई परी,
अधिकार त मंगना निहो अछिन्क लिह पथी,
आपन ठाउँ आपन गाउँ स्वर्ग बनाई पथी। ३

देश विकास कनी हमार फे अधिकार बात,
सम्झो-बुझो दादु भौजी उठाओ सक्कु हाँथ;
थारू ज्ञातीन्के उत्थान कनी उठाई हम्न बात,
अपना भाषा आपन संस्कृति बाँचाई हम्न आव। ४

❖ हुई एक जुट ❖

लेखक मान बहादुर चौधरी
गा. वि. स. लाटीकोइली वडा नं. ९
बुदबुदी गाउँ, सुर्खेत

गोची गोचाली नेपाली सपुत !
हुईल विहानिक ब्याला बनी एक जुट !!
काम हमार खेतीपाती रातदिन धन्धम !
रगतक पसना सामन्तिके फन्दम !!

सामन्तिके होरी खेला दुःखिके रगत !
सद्ददिन अन्धार रना गोचाली जगत !!
कली युग लागी गैल लौव जमाना !
एक नास पहिरन अधिकार समान !
एक जुट हुई गोचालिम निकरी ढिलाही !
जब हुइवी एक जुट तब हुई मलाही !!



❖ गोचालीह यी सन्देश ❖

लेखक राम लौटन चौधरी
गुलरिया, दाङ्ग

गोचाली हो! गोचाली तुहिन वा यी सन्देश
गोचालीह छोरक जिन जैहो तुँ परदेश

यीह माटीम जरमली यीह माटीम बहली
यीह माटीम रङ्ग भर्ना आमिन बा धेर बाँकी

यीह फूलवारी हन सक्कुनके जिम्मा बा हो बाँचना
किसिम किसिमके फूला फूलना यी फूलवारी सजैना
या बूलवारी बाँचाइकलागसे बाँहहो बेन्हवा
एक दिन अउइया वा सफलताके दिनवा

लक्ष्य हमार काहाँ पुग्ना वा उह सोंच बनैहो
लाखौं लाख जनता बाट गोचालीक पछ दो-याक
लै जैहो।



❖ लडकन के इच्छा ❖

नाकरो दाई बाबा सामन्तिके संगत,
चुस्ना सम चुससेकल दुःखिन्क रगत।
ईश्वर रूपी दाईबाबा हमहन देव शिक्ष,

पढ़वी लिखवी जानी वन्वी कवि पूरा इच्छा ।
 पढ़देव लिखदेव राम-राम बोली सिखदेव हमन,
 पढ़वी लिखवी हटैवी सामन्ती शोषण ।
 जोरकरी शिक्षा लना बनाई आपन गाउँठाउ,
 शिक्षा लेक वरा हुइवी चनेवी देश दुनियम नाउ ।
 संसारम शिक्षा विद्या सबमे भारी हँथ्यार बा ।
 गाउं वनेना देश वनेना हमार फे अधिकार बा ।
 अगती जुगसे पुर्खनक रगत सामन्तिके शिकार बा,
 शिक्षा बिना यी जमानम जीना जीवन धिक्कार बा ।
 मनम लिखो हमार कहाई सुनो दुनु कानले,
 धर्मलुटो दाइ बाबा विद्यादानले।



❖ किसानके ब्यथा ❖

ले. भगवती चौधरी, बर्दिया

मैं एक किसान हूँ, कृषक फे मही कथ
 मैं एक दुःखी लदिया हूँ, हारा लुछी कलसे फे सह मही परथ
 मैं एक शहनशील शक्ति हूँ, पेट भर खाई नै मिलसे फे सहपरथ
 हथियार म्वार हर व फरुवा, युद्ध भूमी खेतवा हो,
 घर म्वार खरक झोपडी, सुतना धानक पैरा हो
 धान म्वार बडका बाली, गोहुं लाही दोसर हो
 वाली उब्जैना म्वार काम, सक्कु सिमोट्ना जिम्दरवा
 हक म्वार नै लागत, पैठू अधिया बटैया ।

(१)

मैं एक किसान हूँ
 माघ आइल कथ त डर मही लागत
 पाइल जग्गा छुटथ त विचल्ली म्वार परथ,
 थारुक दशिया, देवारी व माघ आइत त दशा मही लगाय
 पोरुक साल ऋण पाँच सय रह असौं कसिक हुइल पाँच हजार
 मुहक जवाफ लगाए नै सेक्थुं; यीह हो म्वार कथुं

(२)

(२८)

मैं एक किसान हूँ

छावा छाई कहत रलह असौंसे पढ जैवी
 म्वार हालत यी वा कसिक पढाऊँ लिखाऊँ
 पढ़ना लिखना मनम गुनल, छावा पाइल छेगरी भेडी
 क, ख, लिखना हाँथम छाई पाइल करिया भाँडा-कुडी
 करिया अक्षर भँस बरावर कलक हम्म सुन्धी
 सुन्ना हमार काम नै हो काम कैक हम्म देखैथी,

(३)

मैं एक किसान हूँ, कृषक फे मही कथ
 मैं एक दुखी लदिया हूँ, हारा लुछी कलसे फे सह मही परथ
 मैं एक शहनशील शक्ति हूँ, पेट भर खाई नै मिलसे फे सहपरथ



❖ थारु जाति हुकन हेर्ना एक दृष्टिकोण ❖

लेखक:-भगवती प्रसाद चौधरी
 अध्यक्ष गा. वि. स. गढवा
 दाङ्ग, देवखुरी

थारु जाति संसारके हरेक जाति मनिक् एकथो बरा पिछरल
 जात हो । यी जात अत्ना पिछरल बा कि संसारके एकथो मुख्य जतिनमे
 एकर गन्ती नै हुइत कलसे फे हुइथ। यहे कारणसे थारु संस्कृति संसार
 मे विलाइल बा पत्ता नै हो कि थारु जातिनके आपन जातिय संस्कृति
 रितिरिवाज, चाल-चलन कार्यविधी व्यवहार नै हो, बेन मँ यहाँ तक
 जोर देके कहे सेक्थु की थारुनके आपन जातीय भाषा रितिरिवाज, चाल-
 चलन, कार्यविधी व्यवहार संस्कृति संसारके और जातिनसे अलग बा ।

थारुनके बारेमे थोर बहुत जान लेना जरूरी बा । दुःखके
 बात बा की यइनके बारेमे जानकारी कइना प्रणस्त सगठन उपलब्ध नै
 हो, तब फेन हमार आजो पुर्खनके कहलक ओ थारु गीत हे साधन मा-

(२९)

नके यह कह सेक जाइथ की थार से थारु हुइलक हो। थारु गित मे कहल गैल बा-

दाङ्ग रहइया दंगवरिया रे
देउखर रहइया देवखरिया,
थारु जात रे परदेशिया
तिरिया छोड़ी अइल ”

(सजना गीतमे)

उपरक गित से हमने थारु जात हे एकथो परदेशिया कहनामे पाछे नै बाती वेन मै यह कहे सेकथु कि दाङ्ग मे रहइया दंगवरिया, देवखरमे रहइया देवखरिया कलक ननहक परदेश से अइलक ओसे परदेशिया कहिके थारु जातिन कहल गइल बा।

आपन जन्निन (पत्नी) छोडके विदेश लगलक बात मघौवा गितमे कहल बा। थारुन हें आपन देश हे कि तो उ देशमे खोब सुखवा परल हुई याते उ ठाँउमे जंगलके अभावमे पसुपालन मे असुविधा परल हुइ याते उ देशके शासक खोब सताइल हुई यी बात हे निश्चित कौना मुश्किल बा।

आपन आज पुर्खनसे थारुनके थार प्रदेश से अइलक ओ मुगल शासक से सत्वा पाके अलक जानमिलल बा। पुर्खन के कहीई बा “ हमारे मुसलमान शासकके सतइलक ओसे यहाँ आँपुगल हुइ ”

हुइना फे हो गितमे कहल फे बा-

“ तोरे काँटु उँटवा-गरदनवा रे
काँटु रे लामी पुछवा
भिडवु मै छुरी रे कटारी
मुगल से मै लडवु

मरद जलम जो मै पैतुरे
धोडवा दौरइतु

भिडवु मै छुरी रे कटारी
मुगलसे मै लडवु ”

(सजना लयमे)

(३०)

खेत बिगारे दुँदरा रे
कुँवा बिगारे पिपरा,
अरी हे।

माता- पिता जे नाव बिगारे
मुगुल बिगारे गाँव
(१)

छोडी देवु राजवा रे
तोरे शहर भण्डारे
काल रूप मै हुई
डासाँ मै तोही ”

(माघो गितसे)

“ खाडा रोटी खैही दुरपती रानी
लडही मुगुल से ”।

“ मुसलमान हमहिन सताइ लगल यहिनसे बचक लाश हमने सुवर पाले
मिखली, सुवर खाए सिखली ओ आपन जनसलक गाँउ फ छोडक सि-
खली ”

थारु रामलाल वैष्णव
(मानपुर गढ़वा दाड)

उपरक कलक आज पुर्खनओ थारु गीतके अध्ययन से पता चलथ कि थारुनके आपन ठाँउ हे सुखवा जती से नै छोडलक हो वेन ओइनके उपपर मुगल शासक के ज्यादाती से छोडलक हुइत कना प्रस्ट हुइल बा।

अतना कति केल का ? सब थारु थार प्रदेश हे एक लागे छोडके ठाँउ ठाँउमे लगल ? वेन धिरे-२ घरक परिस्थिति अनुसार थार प्रदेश हें छोडके ठाउ-ठाउमे तराई क्षेत्रमे लगल जहाँ-जहा आप बन्दोबस्त मिलाई सेकल। जहातक थारु समाज खेतीपातीके पेशेवर हुइलक ओसे बनजंगल तराई फाँट उजाउ जमीन हेके बन फाडके, बैठल यह ओसे तराई फाँट भर थारु बस्ती घना वा चाहे भारतके तराई फाँट हो चाहे नेपालक तराई फाट हो।

जस्तक २०५१ सालसे २०२६ के बिचमे दाङ्ग देवखरसे जिम्दरबसे सत्वा

(३१)

पाके धिरे-धिरे सोलार बुढान जैती बात ओस्तहेक थारु फेन सत्वा पाके थार से धिरे-२ तराईके विभिन्न फाँटमन लगल ।

थारु किसानका कारणसे बुढान सोलार जईती वता कना स्पस्ट उत्तर जिमदरूवनके शोषण दमन हो कना ते आगे कहि सेकल गइल बा ।

थारु थारु एक जात हुइती हुइती फेन सककु थारुनसे भात मिलथ कना अजान्ता हो । थारु थारु हुइती त फेन सककु थारुनके भात पानी नै चलथ जस्ते कुम्हार, दनुवार, कठरिया थारु, थारुजात होतब फेन आबर थारुनसे भातपानी नै चले ।

पहिले हम्रे का जात रहि कना पुष्टिकरण ओइनके घर से करे सेवर्था ! उदाहरण के लाग बेचुराम महतो [पकवोइ दाङ्ग] कल हमार थर चूरे दहित हो । हमार पुर्खन थारसे भइलक अहि गडरिया हुइत । पंचन भलादमिन दही खवाके पात लेलक वर्से दहित थर हुइल । आवर आगे कल सतगौवा नेवार हुइत, चमार पदमजगैया हुइत । पसिया थर सुवर पलुइया पासी जात हुइत । श्री रामलाल महतों कहल हम्रे रा ज वंशी क्षेत्री हुई । श्री गुरुप्रसाद गुरुवा कहल - दुहुना बठवा डाँगी क्षे-त्रि हुई । श्री बेचुराम महतों कहल - थर बाभन, ब्राह्मण जात हुइत बाभन थारु बठिनिया लेलते ओकर कोख से जरमल सककु लडका परका थारु जात हुइल । ओसहें कलवरिया थर कलवार लौवा, थरवार क-टुईयाँ मुसलनान, मगरौता, थर मगर जात से थारु हुकलक पुष्टि हुइथ । यि सब कारणसे यहें कहे सेकक जाइतथ की थारसे थारु हुइलक हुई वो थारु जात बहुत जात मिलके बनल जात हो यानी ध्यार जातके मिश्रित जात हो



❖ ग्वावर के काही ? ❖

मंगल प्रसाद चौधरी
उत्तर अमराइ (दाङ्ग)

दाइत म्वार घर भित्तक भन्सरी,
बाबा म्वार काम कर्थ मजदुरी ।

मैं त गरधूर-या, म्वार जन्नी बनलवा घरक मल्कीन्या ।

म्वार जन्नी ह्यारवेर कवा सुग्घर देखपथ्या,
घटवा पानी दाइ म्वार कैं दरथ्या ।

ग्वावर के काही, क-या भोक्टी मिस बेर जन्नी लाज मन्थ्या

म्वार घरम के के अइथा, जान नै सेकतु,
धवाक लगनाकी नमस्ते, कहनै जनतु ।

सकुन सलाम बा, चारी ओर म्वार ज्यान अकलहें बा ।



बत्कोही पापी मनै के हो ?

रामकुमार चौधरी
वाके विनौना १ जवरपुर

एक गाउँम एकथो जिमदरूवा रह । वाकर पाँच भाइ छावन रलहस । दुई थो छाइन व एकथो जन्नी रलहस वाकर सम्पत्तिक नाउम तिस बत्तिस विधा जग्गा रलहस । गईया, भईस, लाला बाला प्रसस्त रलहस खैना लगैना फे कमी नै रलहस । त उ सम्पत्ति बरा मजासेक-मइलक सम्पत्ति रलहस । जम्म एक दुई बोतल दारु लेक बसिन सजिलोसे सम्पत्तिम पाँचघर रैती बैठाकन खैल रह । ऊ पाँच घर रंतीनक कर्म-लक कमाही ऊ असिन मजासे खाए कि ? उ पाँच घरक मनई वन्वा फारक जोत्लसे फे वाकर लम्बरी बन जाइस । हुकनक वन्वमसे कमाकन उब्जाईल बाली फे उ जिमदरूवा बटैया खा देना कर । जत्ता धिवर

बन्वा फारक जोत्लसे फे उ बटैया खा देह । वस्तक समय बित्ती गैल । वाकर वेगारी करलक त झन वयान कैंक साठय नै हो । जब बर्षामन खेती कर्ना ब्याला हुइल त आपन घरक खेत्वमन पानी लागल, लगैना काठल वियार व करल लुर छोरकन फे वाकर धान लगो दिह पर्ना रह । वस्तक साहामन धान कट्ना हुइलसे फे आपन घरक धान चाहा झर्ना होगैलसे फे आपन धान कट्ना छोरकन जिम्दरुवक धान काट पर्ना वस्तहेक वाकर लाग धना कुटा देना । चाउर केरा देना । त्याल पेरा पिठा पिसा देना । काठी कई देना । वस्तहेक वकर जहान बच्चा या उ जिमदरवा अपनेह बजार बैठल ब्याला वाकर लाग खैना चाउर, दाल काठी और अन्य सबचिज बोकन लंजाई पर्ना रह । जब भरवा बोकन जइना हवाए त मई अत्रा भरवा बजार पुगाई नै सेकम कलसे वा म्वार जिउ ठिक नै हो कलसे त्वार पाल्या बा जिकि लै जा जासकजा! अत्रा समान त बजार पुगाई पर्ना वा नै ब्वाकतसम्म छुट्टी नै पंख्या कना कर सम फे लगाए एक दुइ बात दा-वे ब्वाल अस करलसे महोसे बर्ता बोलब्या कः महीसे बरा हुइल्या कैंकन उहीहन मर्ना पिटना फे कर । असिक उ जिम्दरुवा मनइन उप्पर अत्रा दमन लडल रह । जस्तक लरहियाम जोत्ना बर्दा भैसोहन लरहिया तनाईवेर नै सेकलसेमर्ना पिटना कर्बो उलट अत्र फे नै स्याकथुम तुही कः मँ मास खाईक लाग पाल रखनु कना गरीयइना कर्बो ओस्तहेक उ जिम्दरुवा फे उ पाँच घरक मनई लगायत बहुत जहन अत्याचार कर्ल रह । वस्तक समय बित्ति गैल । उ अत्याचार कर्ती गैल । त दमन व अत्याचार सहत - सहत मिच्छाकन उ पाँच घरक मनई दान-दान उ जिम्दरुवसे मुक्ति हुइना इगर खवाज ल-गल । वस्तक कर्ती कर्ती उ पाँच घरक मनईनह गाउँक मनई सिखा देल कि बन्वामसे उब्जाईल वाली काकर उहीह बटैया देखो आवथेसे जिन देहो नै देना हो कैंके कल । त उ पाँच घरक मनई मौका पैल । पठ-रा रब्बाजवेर दिउता मिलल कहल अनुवार हुक उ जिम्दरुवासे मुक्ति चाहतलह झन मनइ सिखा देल बन्वमक बालिक बटैया जिन देहो कैंक वत्रा थाहा पैल त उ बन्वा फारक बुईलक वाली उ जिम्दरुवाह दिह छोरल । जब उ जिम्दरुवाह बटैना दिह छोरल त वाकर लम्बरी जग्गा फे ज्वात छोर देल । वाकर वेगारी कर फेन छोर देल । पाछ उ जिम-

दरवक घरम खैना फे नै पुग लगलस । पाछ उ जिमदरुवा आपन लम्बरी वेच वेच खाइ लागल त हमार थारु समाजम जिमदारवक कत्रा अत्याचार करल बाट । त उस्तक उ पाँच घरक किसान अत्याचार सह नै सेककन उठल ओस्तहेक हम्न थारु जाति या गरिब किसान उठल से । पक्का फे समाजम पापी मनई के हो कैंक चिन जैने रलह ।

रामकुमार चौधरी



माघ संक्रान्ती २०५४ सम्पूर्ण शोषित
पीडित वर्ग हुंकरन अन्यायक विरुद्धम
लड्ना शक्ति दीहे कना शुभकामना
व्यक्त करती ।

जिल्ला समिति

तथा

बेस परिवार बर्दिया

नै थाहाँ पइल हुइबी कलसे ?

संकलक:-सागर चौधरी

सेम्रहवा बर्दिया

१) थारु भाषाम प्रकासित पहिलः पत्रिका 'गोचाली' हो याकर पहिला अंक २०२८ सालम छापगैल रह ।

एकताके आह्वान

रच० गरिबु चौधरी

बांके वैजापुर गा. वि. स. वड़ा नं. ३ कुम्हार

चोलो चोलो सक्कु गोचाली, एकताके आह्वान करती ।
थारु गोरु सक्कु ज्ञान हमनहन कथ , ।
हमार हक अधिकार ह सक्कु जान लुट्ट ॥
पहिल हमार पूर्खा हुक एकको नही पढल
उह ओसै सक्कु जान हमन हेल्हा कर्ल ॥

चोलो चोलो करती

थारु जाती कसिन हुइती सबसे पिछरल बाती ।

अन्याय अत्याचारसे लादल हम्न बाती ॥

दिन रात काम कैक खैथी आधा प्याट ।

उही म फे नही पुग खैथी बस्या मार ॥

चोलो चोलो करती

मनै कलक एक हुइती भेद भाव कर्थ ।

छुवा छुटके भावना से हमन पाछ पर्थ ॥

हमार लाग सक्कु ओर अन्धकार बा ।

जहोर जाओ तहोरै पर्दा लागल बा ॥

उह बसै -

यी सब से मुक्ति पाइकते एक जुट होइ ।

अन्याय अत्याचार के पर्दा हम्न चिरी ।

जाती पाती छुवा छुटके भावनाह फाकी ।

शोपण दोहन खतम कर्ना काम हम्न करी ॥

चोलो करती

आपन हक अधिकार लिह पर्ना बा ।

जिम्दारनके जाल हन चिर पर्ना बा ॥

पढी लिखी ज्ञानी बनी देश बनाई ।

गाउँ गाउँक सुतल मनैन जगाई ॥

चोलो चोलो सक्कु गोचाली, एकताके आह्वान करती



२) विश्वम सबसे ध्यार वर्ष सम्मन जिवित पलारलक मनैया सुनसरी जिल्लाक थारु विरनारायण चौधरी हुइत वहाँ हाल १४० बर्षक हुइल बाट ।

३) एक्को नै पहक फे समाज सेवाम नाम चलल थारु, जन्नी मनैया बर्दियाक श्रीमती जगमोहनी चौधरी हुइत हाल वहा स्वास्थ्य स्वयं से-विका, बडा अध्यक्ष, बेस जिल्ला कार्यसमिति सदस्य, बेस महिला जाग-रण केन्द्रिय समितिक अध्यक्ष, टेलवा पत्रिका क सल्लाहकार गोचाली परिवार सल्लाहकार बाट व विभिन्न गैरसरकारी संस्थाले सम्मानित हुइल बाट ।

४) अन्तर राष्ट्रिय क्षेत्रम मग्नवअधिकार पुरस्कार पउइया पहिला थारु बेसके अध्यक्ष श्री डील्लो बहादुर चौधरी हुइत ।

५) थारुन मध्ये सबसे पहिल मन्त्री हुउइया थारु श्री परशु नारायण चौ-धरी हुइत वहा २०१५ सालम शिक्षा मन्त्री हुइल रलह ।

६) आपन हक अधिकारक लाग जिवन आहुति करुइया थारु जातिक पहिला शहिद स्व. गुम्हा थारु हुइत । वहा दाज्ज क बेलवा वन्जारीमन हुइल किसान संघर्षमन जिम्दारक हातसे शहिद हुइल रलह ।

७) राजनैतिक पार्टीमध्ये थारु मनै अध्यक्ष रलक पार्टी ने.क.पा. मार्क्सवादी हो ज्याकर अध्यक्ष श्री प्रभु नारायण चौधरी हुइत । यि पार्टी अभिन तक संसदमन कौनो फे प्रतिनिधी पठाई नै सेकल हो ।

८) सबसे कम औपचारिक शिक्षा लेलक व विश्वके सबसे गरिब सांसद थारु सांसद हुइत वहाँ क नाउ श्री काशीराम चौधरी हुइत वहाँ बर्दिया क्षे नं. ३ से जितलक हुइत ।

९) हाल सम्मन एक्थो थारु महान्यायधिवक्त हुइल बाट वहाक नाउ श्री रमानन्द प्रसाद सिंह थारु हो ।

१०) बहुदलीय व्यवस्था आइलमन बनल निर्वाचित सरकार मध्ये मनमोहन अधिकारी प्रधानमन्त्री रहल ब्याला कौनो फे थारुहुक मन्त्रिमण्डलमन सामेल हुइल नै रलह ।



मनक बेदना नुकल बा

हमार पूरुवा दाङ्गम बैठल स्वाज्ञ युगम स्वाज्ञ मनै रलह दूसमन रलह मेशी टी. वी. रोगक किरा बनक रलह थारुन गोरूबना-कन धरल खेतवा जोतेले भरुवा बोकेले गध्रा बनाक रखल। बनवा फेरल आवाद गूलजार करैल बल्ल थारुकाँदम परली कैख कल निहु ख्वाज दतल। मलौ आपन घरम भोतखाइस काम म्वार घरम करस कैख कहदतल थारु हैरान होक ज्वातल कवारल जगा छोडक द्वासर ठाउम गैल वाँहा फेन बनक फेला परल। पूरुव मेची पछिउ माहाकाली सम थारुजाती वैठली काम कैख टी. वी. किरनसे चौधरी पदवी पैली।

चौधरी जात आज सम्म कहनही पैनु चौधरी बहु जाती मन रथराणा शासनम बवाल सेकना थारुन ल्वाह से ल्वाह कथ वसिहक थारुन थारुसे भरुवा बोकाइक लाग राणा हुंकर चलाक थारुन चौधरी पदवी देलिन, गोली चलाक जनावर मार क शिकार खवइना मनैन सुबदार मेजर पदवी देलिन थारुजात आपन जात छोडक परजातम लगल हमार थारु जातीम स्वाँचवेर बहुत बडाभारी रहस्य नुकल बात। चौधरी कना मुसल-मान, कुर्मी, अहिर आपन टाइटिल चौधरी कैख लिखथ आपन जाती आ-संस्कृति हैरैना असक जमान आइल। वह वसेँ म्वार विन्ति बात की आपन भाषा व संस्कृतिह दिगो धेख आग बढैनाहो भुभाग अनुरूप थारु संस्कृति जाती थारु एक ठिक होक नेपाल देशक प्रगतीक साथ साथ थारुजातीक उत्थान कर्ना व शिक्षाकर्ना काहो कना प्रत्यक थारु जातीम जागरण क-रैना व वातावरण के विषयम बुझाइपर्ना नितान्त आवश्यक बात।

थारु संस्कृतिक वसेँ हेर्ना हो कलसे भाषा भाषिक गित दशेक हमार दिदी, बाबु गानक नचना सखेख गित गूरवावक जलमौती, कर्ना-ती गितहन व बडका नाचक बडकि मारक गित ह हेर्ना हो कलसे महा-भारत- रामायण, कृष्ण चरित्र १८ पर्वसे पाछनै पर्ना लासथ भानुभक्त तुलसीदास, अन्य कवि पढक जोडलक रामायन कृष्ण चरित्र लिखल १८ पर्व ५ भाइ पाण्डव कौरव के लडाई पढक लिखल कलसे सखेक गित

बडकि मार गित हमार पूरुवा विना पढल एसिन गित जोडक गैल यी संस्कृति फे त भानभक्त तुलसी दास से पाछनै परथ।

आजकल हमार संस्कृति बिगरल थारु शिक्षित हुईल आपन मातृ भाषा बिसरैल, आपन संस्कृति छोरल, झुमरा महुते नाच छोड देन आपन भुभागक प्रकृतिह बिसरैल प्रकृतिह रूबइल पूरुवनके वात लागी सतयुग फे आई

लौव संस्कृति म लाग लगल देश विदेशक धर्म मान लगत धनक अगाडी मन विगरल। ग्वारा हाथ झिटकना मुरी हिल्लैना नाच नाच लगल जोकी ऐसिक कर्ना मनैन हमार पूरुवा मृगी रोग लागल मनै कहतलह गुरूवा गुरूवाबावा, देवि देवता मान छोडल एशु धर्म म लागल गाइ भैस खाइ लगल पाप कुण्ड फनकल।

जीत बहादुर भगो-या थारु

गा० वि० स० महादेवपुरी ३ उदैनपुर बाँके

❖ धुमरु ❖

रच० जगत राम थारु (कुरँहवा)

गा० वि० स० वैजापुर ३ कुम्भर (बाँके)

धुमरु धुमरु बोल तोर बाँस बसुरीया,

आजु गुरु नाग सरास्वती हो।

समरौती:- पहिल मै सुमिरौ पंच भुइहार, हमरी मेंररियक रछिया करहो।

तो सुमिरौ मुडा महतौक	"	"	"	"
पुर्वम मै सुमिरौ सुरज भरार	"	"	"	"
पछिव मै सुमिरौ देवि खरता	"	"	"	"
उत्तर मै सुमिरौ हरि कविलास	"	"	"	"
दखिन मै सुमिरौ शिवजगान्नाथ	"	"	"	"

आकाश में सुमिरों इन्द्रा चन्द्रादेव " " " "
 पताल में सुमिरों बासुक नाग " " " "
 तो सुमिरों में इसरल बिसरल " " " "
 जति देव जननु मैं नाउँ जे लिहनु " " " "
 जरल पिरती मोर मदरा जे के हो , आजु गुरू नाग सरास्वी हो ।
 जरल पिरती मोर मदरा जे हुईत " " " "



उतहे लाला हे ! सावन लदीया भ-यावन रे दैया, आजुक हिन बिन देव वरसे । देव वरसे दैया देव वरसे आजुक हिन बिन देव वरसे । मन मन छन छन जियरा उदास बुढिया बिचारी मन बराग । उतहे लाला हे । माइ कइ सेन्दुरा माग भिजल हो पिहवा भिजल परूदेश रे लाला आजुक हिन बिन देव वरसे । देव वरसे हो, देव वरसे आजुक हिन बिन देव वरसे ।
 नोट :- (अस्तहक आँखि कैं कजुरा माथके टिकुली कानक तरूना कानक झिलमिलिया नाकक नथिया घ्याचक गुरिया छातिक माला होथक तँरीबा आँगक अंणीया, पुथक लहगा, ग्वारक चुरवा, अंगरिक भिछिया उपरक गीत अनुसार गैना हो) ।

उतहे लाला हे ! केकरी खोदाइल ताल पोखरीया, केकरी खोदाइ दुनु सागर रे दैया दुनुहुँ ताल बिच बरे मछुरी । देखि -२ जिउ कुलपत रे दैया कौन विधि मारुँ मैं एल मछुरी । उतहे लाला हे ! बापकी खोदाइल ताल पोखरीया, पितीके खोदाइल दुनु सागर रे दैया, दुनुहुँ ताल बिच एल मछुरी देखि -२ जीउ कुलपत रे दैया, कौन विधि मारुँ मैं एल मछुरी । उतहे लाला हे ! जाल मरैबु मैं रैनी मछुरिया हेलका मरैबु मैं चन्दर बीच रे लाला दुनुहुँ ताल बिच बरी मछुरी देखि -२ जीउ कुलपत रे दैया, कौन विधि मारुँ मैं एल मछुरी ।

छप्या :- झिनि झिनी रे देव वरसे-बरसे गुइटा मच्छो शिरकन लागे हाँ गढक ओहटा बकुल्या रानी बिन बिकरे आहार । हाइरे बकुल्या रानी हाइरे खर बकली रानी हाँ ।

उतहे लाला हे ! के मोर लग्ही आम अमिलिया, के मोर रे छिट्टेही घनुदार के मोर रे । उतहे लाला हे ! बाबा मोर लग्ही आम आम अमिलिया पिती मोर रे छिट्टेही घनुदार पितिमोर रे । कौन पानी छिट्टु आम अमिलिया कौन पानी छिट्टे घनुदार कौनही पानी रे । उतहे लाला हे । केकरी चिराइल काठ कठ वेन्हवाके मोरबेन्हही घनुदार के मोर रे । उतहे लाला हे ! बाबा मोर चिरहीं काठ कठ वेन्हवा, पिती मोर रे वेन्हही घनुदार पिती मोर रे । उतहे लाला हे कौन पानी छिट्टु आम अमिलिया कौन पानी छिट्टु घनुदार, कौन पानी रे । सोनपानी छिट्टु आम अमिलिया रूप पानी छिट्टु घनुदार की रूप पानी रे । काँस पानी ले छिट्टु आम अमिलिया, ताव पानी रे छिट्टु घनुदार रे की ताँव पानी रे । उतहे लाला हे ! दिन दिन रे अमवा हुइगे समान, दिन-२ रे सुगा झाकीन झाक दिन-२ रे । आम त हुइगे रे सयान, मोर पिहा हुइगे रे तयार, (य मोर छतिया तुर्य रे मैं के जानु)-२ दिन-२ अमवा बा-हन लागे दिन-२ रे सुगा झाकीन जाँवेँ दिन दिन रे । उतहे लाला हे ! फगुनी माहास अमवा मो-हन लागे, दिन दिन रे सुगा झाकीन जाँवेँ दिन-२ रे । आमत लागे रे मोर, मोर पिहा लागे रे पौर, (य मोर छतिया तुर्य रे मैं के जानु)-२ उतहे लाला हे ! दिन-२ अमवा हुइगे मसुरिया, दिन-२ रे सुगा झाकीन जाँवेँ दिन - २ रे । आम त हुइगे रे मसुरिया मोर पिहा हुइगे रे सुरया, (य मोर छतिया तुर्य रे मैं के जानु)-२ । उतहे लाला हे ! दिन-२ अमवा हुइगे, मसुरिया, दिन दिन रे सुगा झाकीन जाँवेँ, दिन-२ रे । आम त हुइगे रे मसुरिया, मोर पिहा हुइगे रे मसुरिया, (य मोर.....)२ । उतहे लाला हे ! दिन - २ अमवा हुइगे रे चनुइया, दिन-२ रे सुगा झाकीन जा, दिन दिन रे । आम त हुइगे रे चनुइया, मोर पिहा हुइगे रे तनुइया, (य मोर छतिया)२ । उतहे लाला हे ! दिन-२ अमवा हुइगे केरइया, दिन-२ रे । सुगा झाकीन जाँवेँ, दिन २ रे । आम त हुइगे रे केरइया मोर पिहा हुइगे रे टकतोइया (य मोर.....) २ । उतहे लाला हे ! दिन -२ अमवा हुइगे भेलहिया, दिन-२ रे सुगा झाकीन जाँवेँ दिन २ रे । आभ त हुइगे रे

भेलुहिया, मोर पिहा हुइगे रे ठेलुहिया, (य मोर छतिया.....) २ । उतहे लाला हे ! दिन २ अमवा हुइगे गदरूइया दिन २ रे सुगा झाँकीन जा दिन-२ रे । गदरूइया मोर पिहा हुइगे रे कटरूइया (य मोर) २ । उतहे लाला हे ! दिन-२ अमवा पाकर लागे दिन-२ रे सुगा झाँकीन जावे दिन-२ रे (आम त हुइगे रे) आम त लाक पाक, मोर पिहा लाग ताक (य मोर.....) २ । उतहे लाला हे ! दिन- २ अमवा चूहन लाग दिन दिन रे सुगा झाँकीन जा दिन २ रे । आम त लागे रे चूहे पिहा लागे रे तोय (य मो..... २)
छप्या:- अमलिक पाता पटरिया रे उपर जिनवक भात खाव विदेशी लोच बालमरे दैया, आजु पन्थु पाहुनरे ।

उतहे लाला- हे ! उरी उरी भौरा मगिया पर बैठ मगीया पकरी रस लैगे रे लाला तो पन्थु हे तो पनीहर तरपट भौरा लोभीन रहे । उतहे लाला हे ! उरी - २ भौरा सेन्दुरवा पर बै सेन्दुरा पकरी रस लैगे रे लाला तो पन्थु तो हार पनीहार तरपन भौरा लोभीन रहे ।

नोट:- (अस्तकहँक माथक टिकुली, आँखीक काजल कानक तरुना कानक जिन- लमिलीया नाकक नथिया, घ्याचक गुरिया, छातीक माला , हाथक तरीया आँगक अँगीया, पुथक लहँगा, ग्वारक चुरवा, घुथीक पैरी, अंगरिक भिछिया सक्कु गहना उपरक गीत अनुसार गँना हो ।



उतहँ लालाहँ ! भितर घुमी घुमी रुइलांगल धनी मोर, भितर छिरके दुबदानरे लाला , मै सतीहारी बोलाइ जँबुरे । मै सतीहारी बोलाइ जँबुरे लाला मै सतीहारी लैजँबु ।

नोट:- (अस्तहँक, पि-यारी, मज्जयारी धँकवारी, बहरी, अगना सक्कु उपरक गति अनुसार गँना हो ।)



उतहँ लालाहो ! अधिरात मोर सेंदुरा गइल हो, निन्दा छुटल भिनसार रे लाला ; इह निदीया मोर वैरी भए । घस मस धरती से-

दुरा मोर छुट, निन्दा छुटल भिनसार रे दैया, इह निदीया मोर वैरी भय ।

नोट:- (अस्तहेक आँगक सक्कु गहना उपरक गीत अनुसार गँना हो) ।



छप्या :- कांध फरूवा, मुरे हुँगा. चली भँल लौरा खेत किनार, आ त भैया लौरा बिली बिला तुम्म मुसे हुँजार, सुसवा मुअटंगरी पसार छेगरहुवा बढिया हुइल खुशी, उरगँल रे तितरा मन्जोर । देव-२ सासु कोदार रे केहिया बुयँबु मेठी साग लौरग । यीह लेव पतोहीया कोदरा रे, केविता बुदँबु मेथी साग लौरंग । यीह लेव पतोहिया कोदार रे दुमना बुयँहो मेठी साग । सोयी मैठी साग लौरंगेर । देव-२ सासु हाँसिया रे जेहिले कटँबु मेठी साग सोयी मेठी साग लौरंगेर । देव-२ सासु ढकिया रे जेहिया धरँबु मेथी साग सोयी मेठी साग लौरंगेर



छैला नाचनियक माग भर सेन्दुरा. छायी रहँ, छैमासक रे छैला नचनिया झुमि रहँ ।

नोट (अस्तहेक माथक टिकुली, आँखीक काजुला घेचकइ गुरिया जत्रा गहना वा उपरक गीत अनुसार गँना हो)



★ रुपक प्रेम प्रतिज्ञा ★

लेखक:- जग्गु प्रसाद चौधरी
बढिया

फाल्गुन के महिना वसन्त ऋतु हुइलक ओसे नाघेर घाम अर्थात जार ओ घामक सणम समय हुइलक ओ किसानन् के घरम अन्नपात भिट्या

स्याकल समयक कारण तथा किसानन तनिक फुसंद फे हुईना समय हुईलक ओसें हुई शायद हमार थारु समाज म बेरसेम्बाज (शुभ विवाह) यीह महिनम हुईथ ओ मानव सांस्कृति अनुसार दम्पति सुत्रम बाँध के लवण्डा वा लवण्डीक पारिवारिक जीवन यात्रा शुरु हुईथ जौन यात्रा जीवन के अन्तिम घडि सम पल रहथ ।

आज फाल्गुण ९ गते भ्वाजक लगन जुरल हुईलक ओसें मह-
तावक छोटकी छाई रूपा कुमारीक म्बाज हुईता । म्बाज हुईलक ओसें आज महतान घर बरा झकी झकाउ सिगारल वा । मन धेर जम्मा हुईलक ओसें बरा चैतार लागता घर भित्तर से लेक अंगना सम बहुत चहल पहल वा । अगनक प्रवेशद्वारम दुनु वर क्यारा वा बाँस गारल वा व उह क्यारा बाँसम स्वागतम 'शुभ विवाह' लिखल लाल तुज टंगाइल वा । रंगी चंगी कागज लेक स्वागतम के शोभा आकुर आकर्षित बना देल वा दुनु ओर गारल रलक क्यारक खम्बाम अगरवत्ती सुँगाक गारल रलक ओसें अगरवत्तीक सुगन्ध मग मगाईल वा ।

प्रवेशद्वार के दुनु ओर तामक गगरम कलश धरल देव परता कलश के उपपरफूलक माला चढाईल वा अंगनम फे रंगीचंगी अर्थात लाल पियर कागज के बिच-बिचम फूलक माला डेलवा ख्याल जसिन देख परता । घरक मूल दुवारीक सामने जगीया सजाईल वा । जगीयम पूजा पाठ कैंक कन्यादान देना विधिअनुसार भ्वाज करादिहक लाग पण्डित भक्ति उपाध्यायहन बलैलक ओसें उ के आपन पूजा-पाठ कर्ना पुस्तक लेक महतावक घर हाजिर हो रहल ।

महतावा धनी किसान हुईलक ओसें कौनो चिजके कमी नै हुईतस । कन्यादान के साथम आपन छाई वा दमदबहन दिहक लाग कुर्सी, दराज बाकस, रेडियो, साईकिल, घड़ि, पलंग, भांडाकुंडा सब तकम तयार बातिस । निउता दिहल अनुसार के भ्वाज खवैया इष्टमित्र, पहना पाछर जुटल वाट । पहना अनुसार के खानपिन के कौनो कमी नै हो । आपन संस्कार अनुसार पहना पछारन के लाग मद्यपान के व्यवस्था कर्लक ओसें

पहुना पाछर हुंक्र मद्य सेवन कैंक आपन मस्तीम वाट । गाउंक सुरहवा हुंक्र आपन फाँटल अनुसार के कामम लागल वाट । भन्सरीया हुकन खाना रिझैगा व पहना पाछरन हेना काम से फुसंद नै हो ।

आपन जानल अनुसार के मागर गा के सब जान खुशीयाली मनाइत । दुलहिक गोही हुंक्र आपन गोही (दुलही) हन सप्रैना कामम लागल वाट । हैरे भित्तर भर भन्सरीयन वाट कोण्टीभर भितोरियन वाट बहरिम ऐले रे परदेशी लोग कुइ नही याद कर्लो । अस्तहक विभिन्न किसिम के मागर के मगलमय ध्वनि गुञ्जल वा ।

जान परता सक्कुजानयी समयम खुशी के कारण से गदगद वाट । दुलहिक बाबा जन बहुत हर्षित देख परता काकर कि आपन जसिन सम्पन्न घरानम छाईदिह पैलक ओसें आपन स्वाँचल काम पूरा हुइता हुइल कैंक ऊ निर्धक्क रह । तर ओत्रा धेर खुशीयाली मनना अनुहार के बिचम बिचारी ज्याकर भ्वाज हुइता वाकर भित्री आत्मा रुइता काकर कि एक त बिचारी आपन जर्मल घर छुटना, दाई बाबा छुटना, आपन जन्म के छोटी से बर सम संग खेल्लक दादु भैया आपन गाउं गवलिया गोही छुट त द्वातर ओर आपन हृदय के प्यारा दिउता जसिन आपन आत्माले-वाजल विभिष्यक जीवन भित्तसे बिछोड हुइता जसिन हो गैल बातिस । काकर कि रूपा आपन गाउक एकयो गरीब परिवार के युवक निर्मल से आपन जीवन यात्रा जीवनके अन्तिम घडीसम्म वितैना प्रतिज्ञा कैंक स्याकल रह । तर आपन बाबा धनवीर के कारण से आज रूपा बाँदम वाञ्छल जसिन हो गैल वा ।

बिचारी रूपा आपन प्रतिज्ञा भंग हुइ भिरल देखके बिचारी बहुत निरास देख परता रूपा आपन हृदयम जब फे निर्मलहन देखथ्या आँखी तुमलसे फे उह निर्मलके रूप आपन आँखीम टाखता रूपा ।

उहँर निर्मल बिचारा आपन धरक आर्थिक अवस्था कमजोर हुईलक कारणसे गाउँक स्कूलम एस० एल० सी० सम्मके शिक्षा प्राप्त कैंके

स्याकल त आपन घरसे द्वासर जिल्लाम जा के एक्थो स्कूलम प्राइमरी स्तरम अस्थायी शिक्षाकम जागीर खाइता। रूपा ओ निर्मलके सल्लाह अनुसार स्थायी जागीर हुइलसे तब दम्पति जीवन शुरू कर्ना रलहिन आपन दम्पति जीवन यात्राम दुर्घटना हुइना देखलक ओसँ रूपा आपन आत्मा के पतिहन सात दिन पहिलेह चिट्ठी लिखथ -

“प्रिय निर्मल अतुट प्यार ”

मैं जालम फँस गँवु आब मैं जालसे निक्र नै स्याकथूं यदि तूँ महिहन आत्मासे प्यार कथी कलसे, यदि म्वार आत्मा हन आपन आत्मासे मिलन हुई चहथो कलसे यी चिट्ठी पैतीकी तुरून्त यीहाँ आब म्वार म्वाज फालगुन ९ गते हुइकलाग बा तर म्वार जीवनसे खेलवार कथी कलसे मैं आब यी संसारसे विदा लिहक लाग बाटु।

उह तुहार रूपा, जन्तीहुकन स्वागत करक लाग गाउँक पहनुपाछर हुँक, इस्टमिन्न जान महतान अँगनम अनेक किसिमके माञ्जर गाइल बाट। महतावा जुन कब्बो अँगना त कब्बो घर मित्तर नेगतो बा, आपन छाइक म्वाज सुसम्पन कर्ना कामम लागत बा। जगीयक चार चार कोन्चम दिया बरल बा। अँगनम अतरार करक लाग मँटोलके फे व्यवस्था करल बा। कुछ समय सम त महतावा बरा अजरार अनुहार लेक न्यागतह तर जब रातीक करीब दश बजना समय सम फे जन्ती ऐना कौनो संकेत नै देखा परवेर महतावक अनुहार तनिक मलिन हो गेलीस। आपन गाउँक सुरहवन जन्ती ऐना डगरीम दूरसम जन्तीनके बत्या हयार पठाइल। तर जन्तीनके कौनो शब्द नै सुन मिलल। रातीक साढे दश बजेवेर फे जन्ती नै ऐल आब महतावक छटपटी पॉलस। एकघची रहके हुइथो मनै रसरस महतावक अँगनम आइत देख पल त महतावा स्वाचल सायद हिक्कजन्ती आइत कहके खबर दिह आइल हुइही। तर खबर त उलटा रह काकरकि दुलाहा खबर पठाइल “यदि मोटर साइकिल दैजाहा देबो कलसे तुनहक छाइसे म्वाज करम नै त नैकरम काकर कि मोटर साइकिल दैजाहा मिलना दुलहीं और ठाउँ भेटा रखनु

अत्रा वात सुन वेर महतावाहन पहाडके छाँगामसे खस असक लमीस काकरकि और सब चीजके व्यवस्था कर्ल रह तर मोटरसाइकिलके व्यवस्था नै कर्ल रह। आब महतावा गालम हाथ धँक स्वाँच भिरल “यदि मैं कौनो जुगारसे मोटरसाइल व्यवस्था त करम तर पाछ जीप, मोटर दैजाहा माग भिलसे कसिक करम आदि सब स्वाँचत - २ सारा रात बितगेल कौनो निस्कर्ष नै निक्र स्याकल। आब महतावक गगरीम वल्ल घाम गेलीस कि धनी धरम बेत्या दिहवेर दुलाहा कत्ता स्वार्थी रथ कत्ता बात।

उहँर दुलाक के लापवाही कना हो कि दुर्गम ठाउँक कारण से कना कना हो रूपाके पठलक चिट्ठी निर्मलके हाथम समय भितर पुगनै स्याकल। जौन दिन रूपाके भ्वाज (स्वयम्वर) हुइना रह उह दिन संझ्याक निर्मल के हाथम चिट्ठी पुगल।

चिट्ठी पढ़वेर आपन भविष्यके प्राण प्यारी पत्नीक व स्वयम आपन जीवनहन फे आकाशसे खस असक लगलस। माया प्रेम व दुःख के वेगहन थाम नै सेकके आँखीमसे आँस गीर लगलीस केवल ऊ आवज केल निक्राए नै स्याकल। समय संझ्या रात पर्ना जुन हुइलक ओसँ निर्मल आपन जसिक तसिक रात बिताइल ओ बिहानके विद्यालयम आपन घरसे बहुत जरूरी खबर ऐलक चिट्ठी पठाके विदा लिहल। उहाँमे निर्मल हन घर पुगत रात हो गेलरह। जब ऊ घर पुगल त रूपाके भ्वाज स्थगित हुइलक कारण थाहाँ पाइल ओ रूपाके दुःखी बात सुनके वहीहन हृदय भित्तर बहुत दुःख लगलीस। दिनभरीक भूखाइल पियासल निर्मल आपन चारम रात भर नीद नै पॉलस तर फे घरम जौन खाना बनल रलहिस आपन दाइक स्नेही हाथसे दिहल खाना खाईल ओ कुछ घी आपन दाई बाबा से सुख ओ दुःखके बायचीत कैके रूपाके घरओर प्रस्थान करल।

उहँर रूपाहन का थाहा कि दुरीक खबर सायद समय भित्तर पुग नै स्याकल हुइ कैक। फाँदम बाझल चिरै जसिक छटपटैथ जोस्तहक रूपाहन फे छटपटी पलक ओसँ रूपा आपन निर्मलके दर्शन

पैनाम आतुर रह। फाल्गुन ६ बतेसे १० गते सम्म रूपा निर्मल के बत्या ह्यारल तर १० गते सम्झया सम फे निर्मल ऐलक कौनो संकेत नै पैलक ओसे आब रूपा आपन जीवनसे खिन्न हो गैल ओ आपन भौतिक शरीर हन आज रातिक कर्निदियक समयम यी संसारसे मुक्त करैना योजना बना स्याकल रह काकर कि "निर्मल महीहन धोखा देल, म्वार जीवनसे खेलवाड कल उह ओसे आब यी संसारमा बच्ना म्वार कौनो आधार नै हो" कना विचार रूपाके आत्मा भितर प्रवेश के स्याकल रह।

करीब आधारात हो स्याकल रहल हुई सायद काकर कि गाउक सक्कु मनै निद्रा दैविक काखम (विश्राम) बास ले स्याकल रहल। निर्मल रूपाके घर ओर मुप्त-२ जैती रह; उह समयम रूपाके घर ओसे एकथो मानव रूपी आकृतिहन निर्मल आपन ओर आईत छाखल। यी मानव रूपी आकृति वास्तवम मानव हो कि नै हो? कैक बाकर निरिक्षण कर क लाग डगरीक पञ्ज तनिक नुकाहुर ठाउम नुक गैल। मानव रूपी आकृति हन झन ओक्र ओर आई भिलंस। ऊ मानव आकृति सुनसान गल्लीम अकल्हे गाउक उत्तर ओर पिपरक रूख ओर जाई तह। जब निर्मलके एकदम लग ऊ मानव आकृति पुगल त निर्मल छाखल वाकर हाँथम एकथो बलगर नम्मा दौरी लेलह वा, अकृति प्रस्त रूपम एक जवान सुन्दर युवति हो ज्याकर खोजीम निर्मल ऊ ठाउम आईल रह। असिक प्रस्त रूपम चिन्हके फे ऊ युवक के मुहसे कौनो शब्द निक्र नै स्याकल। युवक (निर्मल) आब मानव रूपी आकृतिक पाछ पाछ नुकत छिपत न्याग भिरल जब उ आकृति गिपरक रूखतर पुगल त यीहँर उहँर चारी कोन चौगिदा ह्यारल ओ कह भिरल - "हे पिपरा मै ज्याकर माया प्रेम लेक यी संसारम बाब चाहल रनहु उ म्वार जीवन सेखेलवार करल महीहन धोखा दिहल, आब मै यी संसारसे बिदा लिह चाहुँ उह ओसे तुहार शरणम आइल वातुँ आब मही यी संसारसे बिदा लेना कामम मदत करो।"

अत्रा कहके जब ऊ मानवरूपी आकृति दौरी लेक पिपरक रूखम च्युहक लाग एकथो म्वारा उप्पर उठाके पिपरक रूखक जरीम

धरल कि उहँर से निर्मल एकाएक आकृति क पाछसे जाके पकल ओ कहल# "रूपा..... तुँ काकरतो असिम ? मै तुहँर विना यी संसारम नै रह सेकम। मै तुहिन का धोखा देनु तुँ यी संसारसे भागतो अत्रा कहवेर सुनसान ठाउम एकाएक आपन नाँउ पुकारत सुनके ओ आपन जीउ पकावा पाएवेर रूपाके होस हेरा गैलीस। "महीहन छोरदेव मै यी संसारसे खिन्न हो रनु" अत्रा बातकेल रूपाके मुहसे निक्र। कुछ घरी रहके जब रूपा ठीक होसम आइल त थाहा पाईल की वाकर कोमल शरीरहन निर्मलके मायालु हाथले थमहल बा कना। माया प्रेमके कारणसे आँस हुनु जनहनके आँख से गिर लागल। आज यी दुई दुःखी प्राणीन के पुनर्मिलन हुइल। एक घड़ी आपन दुःख ओ सुखके बातचित कलँ ओ जीवन भर दम्पति जीवन वितैना प्रतिज्ञा कैक निर्मलके घर ओर लगल। आब हुकनके दम्पति जिवन मजासे वितता।

❖ अस्तु ❖

गोचालीहन सहयोग दिहुइयन चन्दादाता हुकनके नामावली :-

क्र. स.	नाम थर	जिल्ला	गा. वि. स.	वडा न.	गाउँ	सहयोग रकम
१	श्री जीत बहादुर चौधरी	बाँके	बैजापुर	३	कुम्हर	३०३/-
२	सगुन लाल चौधरी	बर्दिया	धधवार	९	सोमहवा	१५५/-
३	मधोता नाच	बाँके	बैजापुर	३	कुम्हर	१४०/-
४	डिल्ली बहादुर चौधरी	दाङ्ग	तुल्सीपुर		डुम्रीगाउँ	१०२/-
५	सीताराम चौधरी	बाँके	बैजापुर	९	धामपुर	१०२/-
६	हरिराम	बाँके		६		१०१/-
७	विष्णु प्रसाद चौधरी		बिनौना	६	बिनौना	१०१/-
८	मान बहादुर		सुर्खेत	९	लाटी कोइली	१०१/-
९	दिल बहादुर		बर्दिया	७	धधवार	१०१/-
१०	श्रीमति मेन्द कुं चौं	बर्दिया		९	सोमहवा	५५/-
११	भिम बहादुर			३	कटनिया	५५/-
१२	बन्धुराम	बाँके	बैजापुर	६	लालपुर	५१/-
१३	धोषा		बिनौना	९	गोरघोइया	५०/-
१४	जितराम	बर्दिया	धधवार	८	कचकहवा	४५/-
१५	भागीराम	बाँके	बैजापुर	५	बनघुघी	४०/-
१६	सुन्दरलाल ब्रह्मवारी			३	कुम्हर	३९/-
१७	जगु प्रसाद चौधरी	बर्दिया	धधवार	९	वंडी	३५/-
१८	जुठे	बाँके	बैजापुर	९	लालपुर	३२/-
१९	सुश्री कुसुम कु. वि. कु.			३	कुम्हर	३९/-
२०	खुशी राम चौधरी			३		३१/-
२१	देविराम	सुर्खेत	लाटी कोइली	६	पदमपुर	२६/-
२२	पतिराम	बर्दिया	धधवार	२	वंडी	२५/-
२३	शिवलाल			२		२५/-
२४	भाषण	बाँके	बैजापुर	३	कुम्हर	२५/-
२५	जय नारायण योगी			३		२५/-
२६	कृष्ण प्रसाद चौधरी	सुर्खेत	लाटी कोइली	८	तिलपुर	२५/-

क्र. स.	नाम थर	जिल्ला	गा. वि. स.	वा. न.	गाउँ	स० रकम		
२७	श्री लक्ष्मण चौधरी	सुर्खेत	लाटी कोइली	८	कालीमाटी	२५/-		
२८	कुकरा थारु	सुर्खेत		६	कोनेठी	२५/-		
२९	टेक बहादुर चौधरी		उत्तरगंगा	५	ठाँरी	२५/-		
३०	करिगा प्रसाद	बाँके	बिनौना	३	लहरी	२१/-		
३१	बाँठु चौधरी (कुम्हार)		बैजापुर	३	रासपुर	२९/-		
३२	धुसा			३		२१/-		
३३	कल्लु			३		२९/-		
३४	बुद्धिराम			३		२९/-		
३५	पुनिराम			३		२१/-		
३६	बाहू			३		२१/-		
३७	तिलकराम			३	कुम्हर	२१/-		
३८	श्रीमति मेनुकला भण्डारी			३		२१/-		
३९	श्री खुशीराम चौधरी	हर-						
	नहवा कुसुम्या			३		२९/-		
४०	लौटन राम चौधरी	बर्दिया	धधवार	१	धधवार	२०/-		
४१	कर्ण बहादुर			८	फचकहवा	२०/-		
४२	लम्मण			६	मेरैया	२०/-		
४३	हरिराम	बाँके	बैजापुर	३	कुम्भर	२०/-		
४४	प्रेम ब० थापा मगर	सुर्खेत	उत्तरगंगा	५	ठाँरी	२०/-		
४५	धिर बहादुर मगर			५		२०/-		
४६	दिल बहादुर चौधरी	विरेन्द्र नगर	६	नौलापुर		२०/-		
		न० पालिका						
४७	पाण्डे चौधरी कुम्हार	बाँके	बैजापुर	३	रासपुर	१९/-		
४८	जोखन राम चौधरी	कैलाली	हसुलिया	५	खोनपुर	२५/-		
	सि. न.	नाम थर	जि. स.	रकम	सि. न.	नाम थर	जि. स.	रकम
४९	श्री केन्द्र बहादुर चौधरी	१५/	५०	श्री रुन्चे चौधरी	बर्दिया	१५/		
५१	किशोर कु	११/	५२	राम प्र.		१५/		

५३	,, लक्ष्मी ना ठाकुर	१०/ ५४	,, फकलु रा. ,, ,,	१०/
५५	,, तुलसी प्र. अधिकारी	११/ ५६	,, नारायण थारु ,, ,,	१०/
५७	,, दिवाकर चौधरी	१०/ ५८	,, कालुराम चौधरी ,, ,,	१०/
५६	,, लाल बहादुर थारु	१०/ ६०	,, पंचराम ,, ,,	१५/
६१	,, काली ,, चौधरी	१०/ ६२	,, चिजमान ,, ,,	७/
६३	,, खुशीराम ,, ,,	१०/ ६४	,, बोधी प्र० ,, ,,	१०/
६५	,, तीलक बहादुर ,, ,,	१५/ ६६	,, भवन ,, ,,	१५/
६७	,, जग ,, ,,	५/ ६८	,, क्षेत्र ब० ,, ,,	५/
६९	,, बुधराम ,, ,,	१०/ ७०	,, राम केवल ,, बाँके	११।
७१	,, लोहारी ,, ,,	११/ ७२	,, मान ब० बली ,, ,,	५/
७३	,, जीत ब० थारु	११/ ७४	,, मायाराम चौ० ,, ,,	१०/
७४	,, वेद प्र. भण्डारी	१६/ ७६	,, डाँके चौ. कुम्हार ,, ,,	१२/
७७	,, अनन्त ,, ,,	११/ ७८	,, कालुराम चौधरी ,, ,,	१५/
७९	,, पृथुराम चौधरी	११/ ८०	,, चिल्लुराम ,, ,,	११/
८१	,, हीमलाल ,, ,,	१६/ ८२	,, धनीराम ,, ,,	१०/
८३	,, राम ब० रावत	११/ ८४	,, मेवराज ,, ,,	१०/
८५	,, हीरामणी चौधरी	५/ ८६	,, मन बहादुर ,, ,,	५/
८७	,, जागुराम ,, ,,	१५/ ८८	,, चुल्हुवा ,, सुर्खेत	१५/
८९	,, कुकाराम ,, ,,	१०/ ९०	,, शेर ब० ,, ,,	१०/
९१	,, बम बहादुर ,, ,,	१०/ ९२	,, बिन्दु । ,, ,,	५/
९३	,, कालीचरण ,, ,,	५/ ९४	,, बुझीराम ,, ,,	५/
९५	,, गंगाराम ,, ,,	५/ ९६	,, ललित ,, ,,	५/
९७	,, रघुवीर ,, ,,	५/ ९८	,, अमृता ,, ,,	५/
९९	,, ललित ब० ,, ,,	५/ १००	,, बुद्धिराम ,, ,,	१५/
१०१	,, जगतराम ,, ,,	५/ १०२	,, रेशमल ,, ,,	५/
१०३	,, चनक लाल ,, ,,	१५/ १०४	,, बीर ब० ,, ,,	५/
१०५	,, गंगाराम ,, ,,	५/ १०६	,, भागीराम ,, ,,	५/
१०७	,, राजु ,, ,,	५/ १०८	,, दिलाराम ,, ,,	५/
१०९	,, टीकाजंग सिंह	१००/ ११०	,, प्रतिभा पु० प० ,, ,,	५१

थारु जातिनक बर्का तिहवार
माघ सक्रांतीक उपलक्ष्यम सम्पूर्ण
शोषित पीडित हुंकरन अन्यायक विरुद्ध
म् लड्ना शक्ती ल्यान दिहकना शुभ-
कामना व्यक्त करती।

शान्ती फुड प्रोडक्टस प्रा. लि.

त्रि.न.न.पा. ११ घोराही, दाङ्ग

फोन न० ६००६२

यहां शुद्ध तोरीको तेल र चामल सुपथ मूल्यमा

उपलब्ध छ ।